

20
21
22
23
24
25
26
27
28
29
30
31
32
33
34
35
36
37
38
39
40
41
42
43

金石續編

5130


854


部-:16

5130

8642

6





金石續編卷第廿

遼

西夏

金

武進陸耀通纂

太倉陸增祥校訂



遼

憫忠寺劉贊經幢記

應曆七年六月劉贊迷王進思正書在大興遼主

璟應曆七年為後周顯德四年

憫忠寺紫褐師德大衆等捐施題名

無年月在大興

西夏

重修感通塔碑

正書在甘肅武威縣

缺大抵與五常之教多有相似其實人人□□令智愚
 心服歸向信重汪洋廣缺起八万四千寶塔奉安舍利
 報佛恩重今武威郡塔即其數也自周至晋千有餘
 載中間興廢經典莫記張軌稱制缺中載□□□天錫
 異其事時有人謂天錫曰昔阿育王奉佛舍利起塔
 遍世界中今之宮乃塔之故基之一也天錫遂舍其宮
缺投類□輸者來治其事心計神妙準繩特異材用質
 簡斤蹤斧迹極其疎畧視之如容易可及然歷代工巧
 營心役思終不度其規矩茲塔之建迄今缺一千餘年
 矣大夏開國奄有西土涼為輔郡亦已百載塔之感
 應不可殫紀然聽聞詳熟質之不謬者云嘗有歌仄每

欲薦整至夕皆風雨大作四隣但聞斧鑿聲質明塔已
 正矣缺者再 先后之朝西羌梗邊寇乎涼土是夕
 亦大雷電於冥晦中上現瑞燈寇人覩之駭異而退頃
 為南國失和乘輿再駕躬行薄伐申命王□□□潛禱
 故天兵累捷盖缺前年冬涼州地大震因又歆仄守臣
 露章具列厥事 詔命營治鳩工未集還復自正今
 二聖臨御述繼先烈文昭武肅内外大治天地禋祀必
 莊必敬宗廟祭享以時以缺釋教尤所崇奉近自畿甸
 遠及荒要山林礪谷村落坊聚佛宗遺址隻椽片瓦
 但髣髴有存者無不必葺况名迹□敞古今不泯者乎
 故將是塔旌乎前後靈應遂命增飾於缺率□百工效

技朽者績者是瓊是飾丹雘具設金碧相間輝耀日月
煥然如新麗矣壯矣莫能名狀況武威當四衝地車轍
馬迹輻奏交會日有千數故憧憧之人無不瞻禮隨缺
信也茲我二聖發菩提心大作佛事與無邊勝利
接引靜瞽日有饒益巍巍堂堂真所謂慈航巨照者矣
異哉佛之去世歲月寢遠其教散處宗尚各異然奉
之者無不尊重缺嘆雖兇狼庸愚亦大敬信况宿習智
慧者哉所以七寶莊嚴為塔為廟者有矣木石瓊甍為
塔為廟者有矣鎔塑彩績泥工沙礫無不為之故浮屠
梵刹遍滿天下然靈應昭然如是神異者未之聞也豈
佛之威力獨厚於此耶豈神靈擁祐有所偏耶不然則

我大夏植福深厚二聖誠德誠感之所致也營飾之
事起癸酉歲六月至甲戌歲正月厥功告畢又十五日
詔命慶贊於是用鳴法鼓廣集有緣兼啟法筵普利
郡品仍飾僧一大會度僧三十八人曲赦殊死罪五十
四人乃旌能事特賜黃金一十五兩白金五十兩衣著
羅帛十段錦雜幡七千對錢一千緡用為佛常住又
賜錢千緡穀千斛官作四戶交番漢僧常住俾晨昏口
口者有所資焉二時齋宿者有所取焉至如殿宇廊廡
僧坊禪窟支頰口口一物之用者無不仰給焉故所須
不匱而福亦無量也乃詔辭臣俾述梗槩臣等奉
詔辭不獲讓抽毫抒思謹為之銘其詞曰

巍巍寶塔 肇基阿育 以因緣故 興無量福 奉
 安舍利 粧嚴具足 歷載逾千 廢置莫錄 西涼
 稱制 王曰張軌 營治宮室 適當遺址 天錫嗣
 世 靈瑞數起 應感既彰 塔復宮毀 大夏開國
 奄有涼土 塔之祥異 不可悉數 嘗聞欽仄
 神助風雨 每自正焉 得未曾覩 先后臨朝 羌
 犯涼口 亦有雷電 暴作昏暝 燈現煌煌 炳靈
 彰聖 寇戍駭異 迹潛屏 南服不 乘輿再
 討 前命星使 恭有祈禱 我武既揚 果聞捷報
 蓋資冥祚 助乎有道 况屬前冬 壬申歲直
 武威地震 塔又震仄 凌雲勢撓 欲洽 龍

天護持 何假人力 二聖欽崇 再詔營 朽者
 績者 罔有不備 五彩復煥 金碧增麗 舊物惟
 新 所謂勝利 我后我皇 累葉重光 虔奉竺典
 必恭必莊 誠因內積 勝果外彰 覺皇妙 萬壽無疆

萬壽無疆
 天祐民安五年歲次甲戌正月甲戌朔十五日戊子建
 書番碑旌典集冷口渾鬼名遇 供駕南北表張
 政思書弁篆額 石匠人負膏移移崖 任遇子康猶
 慶寺都大勾當銘賽正襄揆黎臣梁行春七 慶寺都
 大勾當卧則羅正義頂直羅外母羅正律賜緋僧卧
 屈皆 慶寺監修都大勾當五司正右廂孽祖札介貝

埋口皆 慶寺監修都大勾當行宮五司正兼聖容寺
 感通塔兩眾提擗律晶賜緋僧藥口永詮口寺准口吳
 口行宮五司正奏銘臣吳沒兜 修塔寺小監行宮五
 司臣栗銘臣劉屈栗崖 修塔小監崇聖寺僧口口僧
 口介成庇護國寺感通塔番漢回眾提擗賜緋僧口口
 口口口口諸匠夫監感通塔漢眾僧正賜緋僧酒智
 口 修寺塔監石碑感通塔漢眾僧副賜緋僧口口口
 修塔寺 缺 劉猗兒石匠 缺 三 缺 都 缺 孫口都 缺 兄孫

碑陰番書不錄

西夏自李繼遷之孫元昊建國三傳而至乾順乾順

立於宋元祐二年丁卯改元天儀治平又三年庚午
 改元天祐民安此碑建於天祐民安五年甲戌之正
 月實為宋之元祐九年即乾順立之八年也其年四
 月宋始改元紹聖 碑陰番書不可讀據前漢字碑
 末題名曰書番碑旌口典集冷口渾嵬名遇知即前
 碑以存彼國書體也 筠清館金石記

據筠清館金石記補入原書目錄標題云大雲
 寺舍利塔銘即此碑也 陸增祥志

金

仙遊觀永陽園詩記

高四尺廣二尺七寸分二截上截刻詩并序二十一
 行行二十五字上橫刻仙遊觀永陽園記七字徑二
 五

寸五分下截刻靈寶經會妊氏二十三
行並正書篆額失拓在陝西麟游縣

題永陽園詩序

奉 玉檄赴凡闡化壇於童山崔祠之側徃復於九成
顯道天尊之所率徒相聚以淑人心於時裏外居民咸
修善事心疾令悔身病藥痊有欲死而復瘳有重患而
陡瘥休糧點化遠近雖殊頓食尚由難廢何況歲月忘
食官民悉謹老幼皆矜祠堂成施者之心像侔就禱恩
之意置園于後號曰永陽椿澤二子督功餘生皆羽毛
相助武水龜之雅望士庶遊興長春亭之幽觀凡 聖
同登儒者俯臨孰不成詠徧觀名篇因訓少句云
歲久仙遊觀 園新五年過 基惟吳生施 買地

費家貨 栽惟王子勤 花木逾萬箇 共勝永陽

名 千古無令破 又添長春亭 不暇興遊邏

瞰臨眇空濶 綠淨不可唾 莫憐如覆錦 堆綉

最堪播 瑞口龍蛇活 怪石虎狼卧 夜風一河

喧 晨鐘兩崖和 人生誰無幾 事徃悲豈那

欲厭市廛囂 且來取靜坐 願書梁上牌 勿使

塵泥澆

太歲甲子正月癸丑朔十二日甲子董道臣元道圭

立石

道士藺世書丹并篆額

道士衛暹茹胡趙智

知仙遊觀道士耿冥

高上神霄法錄典者耿度

進士口寯耿介耿審郝祖

進義校尉麟遊縣尉羅友

承信郎號縣主簿權麟遊縣事郭 叅

下截

靈寶經會

趙知和 藺道一 趙道亨 董道成 郭道辛 吳

道澤 李道銳 李道舒 李道餘 曹道仙 元道

圭 程道玉 樊道珍 王道椿 景道應 趙道海

李道希 樊道欽 孫道霖 唐道堅 劉道志

趙道詵 張道觀 李道端 馬道彥 吳道超 關

道清 党道明 巨道俛 巨道希 樊道昇 王道

安 李公齡

崇真弟子 李道洪 段守彥 馮守勲 王守中

陳守希 范守冲 姚守一 尹守仙 南守順

竹守存 靈守清 曹守堅 張守仙

鄉郭信士 王守卞 王真 曹言 曹伸 楊玘

劉衍 成章 蘇甫 劉資 趙璋 楊辛 王道

杜千 小王清 杜閏 王吉 張清 王知微

駱知暉古邠南全刊

按道士藺世一正書仙遊觀永陽園詩并序甲子

正月立畢氏關中金石記孫氏寰宇訪碑錄並次於金末金建號於宋徽宗政和五年乙未亡於宋理宗端平元年甲午凡百二十年中更二甲子一為熙宗皇統四年一為章宗泰和四年未知孰是案潛研目錄注云題云太歲甲子正月癸丑朔不著年號以術推之蓋金皇統四年也關中金石記附金末陸增祥志

重刻朗然子詩

高三尺三寸寬二尺一寸分五截上截刻序計廿二行行七字下四截刻詩每截四行行十二字並正書在河南洛陽縣

朗然子詩并序

羽衣劉希岳字秀峯述

余乃生居漳水業本豪家幼習儒風曾叨鄉貢嗟浮世速如激箭傷時光急若瀑流未免退跡玄門棲心冠褐外丹達恍惚杳冥之旨內氣明泝流胎息之源功勤未及於旬年人驚不老壽筭已踰於五紀自覺如新有此靈通故難緘默謹吟三十首号曰朗然子詩呈同道望迴心聖意非遙人自疑惑時大宋端拱戊子歲季冬住京通玄觀內偶口述之以上第一截
口魂洪盃數十年朝朝恣性日高眠尾閭適得泥丸穴丹竈能个造化權只此雲霄應有路筭來人命豈由天莫言大道人難會自是頑夫不學仙

南北經遊口廿春潛行玄理暗修真不求世上無窮物
只向寰中覓箇人外藥已知消息火內丹常運泝流津
假饒千載重相見也口如今貞轉新

京洛幽閑寂寞中住居古觀古壇東俗情亦染心無染
塵事雖同道不同煉藥豈辭千日苦運精常遣四肢通
世間口貴真堪重除却人身慾是空

求仙之士亂紛紛涉歷山川走似雲揔學長生尋外物
筭來至道未嘗聞身中自有昇天路口上誰無出世紋
堪嘆凡夫全不悟盡甘荒野作丘墳

豈貴榮華豈重財堪怜身向此中口丹田自種留年藥
紫府常燃不死灰髓實已無寒暑近道成豈怕曉昏催

傷哉世俗孜孜口逐利爭名性轉醜

兀兀陶陶是事休花開花謝任春秋金章紫綬由他貴
布素斜裳幸自由壽命須同天地永身心閑共水雲儔
堪疑太上玄元祖何故人間早白頭

一居京洛十餘春未肯閑趨富貴門攝養不教元氣散
修行常遣谷神存飢食舌下津還飽寒設丹田火便溫
取性自怡兼自樂且無慙色感人恩

今生不悟望來生曠筭來生甚口明爭似便修天上路
何須更入地中坑陽魂若壯非千壽陰魄如強必致斃
百草經霜皆盡死口口口口長榮以上第二截

口親儒墨擬求官忽悟幽玄道不難陰氣若消終未死

陽精如在自然安身中每運無窮藥鼎內常燒續命丹
堪嘆慕財貪色輩煎熬終日有多般

世間萬事不堪論唯有身形與氣存金鼎會燒延命藥
丹田解種駐顏根每承大道乘麻蔭肯受常人取次恩
已絕榮枯無玷累却愁白日出乾坤

小隱居崑大隱口立身偏愛鬧中開心澄瑩若天邊月
意穩安如海上山常遣眼前無慾色自然臉上有童顏
更能通得泥丸穴何必駟駟煉九還

自說玄元旨趣深何曾解問自家心三田氣若相通貫
二竅循流口不禁泛海經年搜命藥求仙觸處走山林
爭如向己身中覓便見希夷道易尋

僻居古觀勝山居門掩荒苔馬跡踈靜室忙吞千口液
幽窓閑却一牀書是非少為交知少貪愛無時榮辱無
九九逐時隨分過任他人喚作愚夫

鑄煉元精却返源萬般為了始歸真若教愚者皆成道
□□神仙是異人報効全由功滿日希夷不離自家身
但能勤運冲和氣便覺容顏轉轉新

少年苦節近文儒荏苒光陰六十餘得遇志人教學道
便將性命託虛無髮因運氣蒼還黑臉爲存精皺復舒
大要欲陪卿相位今中無了謾駟駟

奔流直上至泥丸關節總通便駐顏悟處如同觀返掌
迷時似隔數重山口明神識千般擾達了心田万事閑

卷二十一
要長生兼出世□□□□□□□□□□

以上第
三截

學道何須學執迷無為之理摠須為氣吞根柢非呼氣
肌却心腸不忍飢存得元精無老耄去除情慾似嬰兒
更能曉得衝天穴定有逍遙出世期

求仙皆學採陰丹甚處交精去復還未及年餘多卧疾
正當少壯改容顏陽魂漸滅終無悟性命將來似等閒
若要延齡身住世存精保氣寂寥間

紫衣師号苦貪求養氣燒丹摠不修未及中年身已老
正當強壯驕先秋惺惺知有長生路九九甘隨逝水流
木挂冠裳緣口事爭名竟利等閑休

白住凡塵數十秋縱然觀色恰如讎常行元氣滋容質
每論丹砂問道流一種利名心不羨万般榮辱眼前休
有錢多買盃中酒無慮無憂有底愁

螢窓十載望求名兩上春闈事不成有志無緣干寸祿
到頭有尔學長生選官豈及選仙士慕色爭如慕道情
但得容顏常悅澤昇騰必定在前程

聲名何在振寰瀛爭似潜修出世程強強燒丹終九轉
勤勤運氣徹三清菜成自有飛騰路功滿須歸物外行
莫愛榮華兼富貴白身堅固最為精

世人慕色及貪財亡命亡軀自此來蟣虱啣身還怕痛
陽魂去體不疑猜一朝染疾醫無效万種求神道自灾
若會運精兼保氣長生豈更掩泉臺

浮榮休羨學三茅周易通來盡易抄因悟道情親至理
便疎人事絕知交陽精每運無窮數玉液常食不暫拋
只候一朝功滿足會同罔鶴離凡巢以上第四節

盡求點化要肥家忘却形枯改歲華慕色將身為弃物
貪財輕命比泥沙口中解說修仙道意內元來似夜叉
此輩頑愚終不悟達人休要為傷嗟

禮拜焚香求塑畫爭如努力自修行勤吞津液過千口
長記存神聽五更莫失常規頻道引更須子細運元精
雖然未得昇天去應有神仙錄姓名

休讀九經三史書與身到了不相拚爭如保息元和炁
未似躬親大藥炉存得陽精終濟老燒成金質定冲虛
分明有箇長生路其奈凡夫性轉愚

求貴貪財無盡期高官富極又何為爭如心靜忘機慮
未勝身閑絕口疑歛枕任後春日永運精不遣鬢毛衰
他年物外相逢處元是神仙別有期

真鉛真汞不難尋自是凡夫錯用心月魄日魂明甚易
木精火候理還深苦辛運藥須三載變化通靈點五金
出世只消食一粒蓬瀛崑崙盡知音

夾脊雙關至頂門修行徑路此為根華池玉液頻須嚙
紫府元君遣上奔常使氣衝關節透自然精滿谷神存
一朝得到長生地須感當初指教人

朗然子者昔唐通玄觀主也事跡靈異修煉非凡隱世

百載至宋端拱年於桃花坊曰日昇天矣勅改名集真
觀有遺詩三十首於世至政和元年觀主道士張道言
小師周抱真立石後改名萬靈胡元宮值兵火損壞碑
跡於天德二年正月初五日本宮道士趙隱微尋獲元
昏碑一本道士張道冲重刻石

葆光道人

王燦

書以上第五截

朗然子者即劉希岳字望嵩章水舉人棄儒入道今
觀其序及詩甚劣而所說甚奇異將道士造作其事
衍世者耶子覽金石之例凡為道家作志銘於其卒
也必曰白日昇天或曰蛻去猶為釋氏立祠曰圓寂
曰涅槃之類後世不解讀其碑則以為仙也

中州金石志

王燦二字據潛研堂目補注於旁

陸增祥志

義井寺崇遠塔銘

縱橫各二尺二十九行行三十一字正書在陝西長安咸陽二縣南境神禾原

故義井寺住持遠公和尚塔銘

并序

太白山釋普明撰

法孫僧了性書丹

信佛言而解佛理者實難其人解佛理而行佛事者尤
為難矣若乃深信其言善解其理能行其事果有可證
者其唯遠公和尚矣師諱崇遠姓荆氏京地萬年人
也曾高之下家世業農積善傳芳代為著姓師居家廉
正閭里稱賢不喜喧嘩未嘗戲笑其性淳厚其言簡直
居一日喟然歎曰塵勞愛網無有出期生死大事如何

為備遂乃頓捐俗累決志出家建中靖國之初依牛頭山福昌寺傳大乘戒律德沙門惟省為師稟教落髮進具之後三業無瑕梵行既嚴仁風外著崇寧乙酉歲有大檀越故贈武義大夫韋公宗禮率眾具禮請住神禾原義井寺仍施田三百畝以助供僧之用師應緣而往隨力經營三二年間安眾所湏無不嚴脩韋公又施大藏經五百函師每焚香披覽日照心印三復其文雖酷暑祁寒而手不釋卷寺務之外閱周三遍得非信佛言而解佛理者乎師安眾住持二十餘年興修殿宇九十餘間供佛延僧年無虛日鑄大鍾一頂起重閣以安之至於名花甘木森然行列每有高道之士多居師席四

事供承無不周足度門人子秀子潤子澤子璋子昱子才子昌子嚴等八人師孫宗覺宗正宗寶宗定宗義等五人師功德兼濟利及自他清淨之風聞于遐迩得非解佛理而行佛事者乎以靖康丙午歲六月示疾二十三日昧旦召門人子璋集眾念誦師即跏趺端坐合掌正念於佛聲磬韻之中寂然入滅停經四日顏白如初仍有異香騰于庭宇嗚呼唯師末後一著特奇過人得非果有所證乎師享壽七十三僧臘二十六即於其月二十六日門人奉全身葬于寺西起塹塔以表之是日也有雲如蓋蔽日清涼葬事既周雲銷日出其感應又如此焉嗚呼師以正信出家以正見行道以正智而興

福以正念而歸窈於吾佛之門豈為小補哉今講經律
論臨壇戒師璋公即師門白眉者也持師行狀來乞其
銘普明素欽高行義不可辭但媿非文直書其實銘曰
至哉佛子性蘊仁賢頓裂愛網俄登法筵戒珠內瑩德
馨遐宣副彼檀越興于福緣闢斯曠土勅此金田願力
攸濟殊功自園三披大藏久造深淵照了心地光輝義
天一生事畢端坐歸全白業隆矣清香藹然雲飛大頂
水瀉樊川雲水無盡真風永傳

自統癸亥求得其文至貞元乙亥歲有長安縣信士
邵宣就寺薦親筵僧供講遂施刊石

傳法師孫永淵普遵德瑱祖圍廣淵普來祖月崇教

文璨 師姪監寺僧子臯 師孫住持僧宗寶 孫

荆璧 小師前京兆府管内僧正講經律論臨壇傳

戒沙門子璋

貞元三年六月十日建 孫文爽刊

按僧崇遠塔銘金貞元三年六月建道光初始見
拓本神禾原在西安府城南三十五里子午谷之
北義井寺當與香積寺相近今并鐘閣博塔皆無
考矣牛頭山在城南二十里福昌寺即牛頭寺也
宋太平興國中改為福昌寺徽宗崇寧四年乙酉
欽宗靖康元年丙午時陝西州郡皆陷于金金主
亶皇統三年癸亥為宋高宗紹興十三年金主亮

貞元三年乙亥為紹興二十五年銘後記自統癸亥乃皇統之誤

碑後刊石一行筠清館作皇統癸亥永淵得其文未得拓本姑仍其舊陸增祥志

通惠院彥戒師塔銘

正隆三年十月樂說撰金汝礪書

重立泰寧宮碑

正隆四年十月喬逢辰撰王仲成正書後有元至正十三年王璞記在陝西渭南南門外

壽禪師修明月山清風庵記

大定二年五月

王雷謁無盡居士祠堂詩

高二尺廣二尺六寸九行行八九字不等行書後二行正書在山西壽陽縣方山

依然繪象暮山空妙口壺分異與同洙泗槽口真自得雲曹別派復何窮市朝誰識生前趣名字猶存身後功若問先生無盡意春風已過又秋風

奉謁無盡居士祠堂因題以記其來癸未仲秋王雷

孟山宋壽摸刊

方山昭化禪院住持講經論沙門普玉立石

按癸未為宋孝宗隆興元年金世宗大定三年張商英字天覺號無盡居士王雷祁人壽陽縣志載其遊方山詩云車輪馬足徧人間豈意窮荒逢此

山便欲棲遲成地隱始知空濶破天慳松聲萬壑
秋風急石徑千盤暮雨斑為報草堂真碧眼莫教
辜負箇中間亦癸未仲秋所題而未錄此首

開法寺永重壽塔銘

大定四年七月宋壽隆撰正書在陝西咸寧開元

寺

蓮峰真逸題名

甲申七月正書在西安府學刻多寶塔感應碑側
甲申為大定四年蓮峰真逸喬宸號也

脩昭化院記

縱橫各二尺三寸二十行行十九二
十字不等行書在山西壽陽縣方山

壽陽東北三十五里曰神福山峯巒秀拔林木鬱茂有
唐開元間顯教妙嚴長者李氏揭來此山下土室而居
研精覃思以著華嚴論為業神物佑助不召而至越十
有九載文成示寂飛走哀號環山之民莫不感激相與
建寺於其所然而廊宇隘陋僧徒鮮少經五百歲前宋
元祐戊辰本路提刑張天覺學士按行羣邑自謂有緣
於長者崇像禮之即勸率檀信改造今昭化禪院特奏
□□僧一貞以供祠祀及居政府崇信愈謹於是乎長
者之教興矣 本朝已來寺雖仍舊歷一甲子頽
廢輒多殆無完所歲在癸酉行縣廣威公始下車□民
以惠御史以嚴未幾政理因尚勸農事道過祠下瞻仰

者久之忽見天覺寫真而悅曰此賢相也余為宗姓十世之上庸知非同也邪丞相之志可不申明遷命寺僧也也也數月之間弊者斯新仆者斯起公諱忠字德裕州人世為遼東著也少承從伯父太傅中書令也蔭補官其見賢思齊樂與人為善率皆此類僧宗廣等德公甚厚思有以傳褒讚稱述略不去口太原王葦聞而錄之以為重脩祠記云時貞元乙亥十二月十日書

信校尉權令張景祥大定五年六月日住持僧山中立石盃山宋慶刊

按此碑太原王葦撰書記宋元祐戊辰張天覺為

唐李長者造昭化禪院金貞元癸酉張德裕重修天覺商英字也記作於貞元乙亥立石於大定五年按宋高宗紹興二十五年乙亥金主亮貞元三年孝宗乾道元年乙酉金主雍大定五年

僧德誠塔銘

正書篆額在陝西興平縣

故戒師誠公塔銘

大金故辯才大師誠公戒師塔銘

德順僧師備撰

古誰講僧有晦題額

詳夫經史載事碑碣紀人事無妄而可以書人有實而可以紀安可莊德於珉弄文作錦徒駭視聽矣其唯純

粹者孰歟故有我師諱德誠字信之世嗣乾州武功縣
田氏之子幼日聚沙戲之而猶爲佛塔長年慕道緯親
而願入僧門遂於京地府與平縣寶林隨必芻善江之
庭侍而不厭勞而不怨磨而不磷涅而不緇十九歲中
方逢落髮即元祐四年冬月也乃質好音志宏
性直不學守株待兔便乃訪法擔簦第歷二京師參多
士虛而往則實可歸德以則名可大隴州潛和尚亦
吾家龍象也知師聞望傳戒與之政和四年聞丞相种
公許師奇古衣紫師子辯才大師于後教風大扇
佛日增輝法輪遍轉關中學士爭延座下僅三十季矣每
領百人識因明等季不虛僅三十季矣每

於講暇口誦蓮經雖乃詞鋒法印功不休
問有千義萬義廣場之中多有成名拔萃不羣如
也於法門寺塔四十季中建百師會二
師爲檀首二樞密趙公請住明因院改故重新有實
相院舊基前臨官道後車馬繁思
構屋立像天成偶赴請界道過武功郊
玩牙生感應傍一象豆上如麻與玉爭明縞白

歎異俗壽七十七僧臘五十八度門弟子六人曰法潤
法雲法□法遠法培傳戒小師十一人曰意清惠通廣
教法□道溥清惠海洪法然善學圓奘天德二季秋夜
□□□卧驚失□出戶過閣小徑徘徊東有懸崖約高
二丈飛身誤墜下坐儼然語笑清冷襟帶完結儻非神
物護衛安能毫髮無危是季三月初三日忽入寂滅之
界靡示少疾之因觀心無常絕食□粥半粒觀身不淨
唯飲清水十朝至十二日索沐浴湯著鮮潔服曲肱而
卧掩目而終當折膠墮指之時有肌膚柔軟之異面□
批紅色還若壯年時停喪七日吊客盈門巾冠總角之
流摩肩疊足之望縞緇迅集悲喜交并悲則異其人喜

則異其事將臨宅屯預請諸師建壇演尸羅之文靈圖
萬象隔棺傳德□之戒□後一人夜當黑月三霄頓現
白光二道白靈堂幕下而乘至佛事場中而住人人備
覩漸、潛消翌日舉棺葬于寺右墳深二丈土起一口
庶俗哀號□乎感應掬土在手尋得戒珠一人喜躍騰
聲四遠欣然響應以□以□□□爭尋成坎成坑培築
復陷晝即臨風攤土日不輝生夜即背月撚埃手中光
出其戒珠也若大若小五色鮮明其得人也有少有多
四方不等墳壠初起之夜行人驛落之中望見紅紫數
段曲遠幾盤□□虛空□然成□煥赫如晝□作大明
驚怪喧呼聲震村落寢人攬衣離闥與客同瞰神毫問

之曰奚爲尔奚爲尔口泣相告喪我戒師菩薩矣衆耳
既聞同音稱善自後聯綿百夜示現不同現其燈則作
金作銀現其光則如燔如旒有從坐起來入寺中有自
寺升去歸坐內或斷或續還同截繡縫花或高或低渾
似舒霞展錦異事非一採略言之子孫思慕真風議乃
圖形建口斯可見有實事而無纖塵莊德排諦語而絕
點墨加文不盡癸揚聊賦銘曰

秦中法將 慧劍倚天 蕩除妖孽 口輔全僊

教風浩々 佛道平々 如何不世 失我巨賢

月沉碧落 珠沒清淵 山原骨宅 竹帛名編

陵移谷變 嘉譽長傳

大定五年八月十日小師僧法遠立石 管勾助緣僧

惟信口

中叙塔頂放光一節襲用嚴挺之大智禪師塔銘弟

子神奇其師每有此等異說不足信也關中金石志

開元寺觀音院記

正書在陝西隴州

觀音院記

汧州開元寺觀音院記 中順大夫前充隴州防禦判

官上騎都尉太原縣開國子食邑五百戶賜紫金魚袋

王從簡題額 鄉貢進士州學正李居仁書丹

百萬和尚名口口俗姓蔡其先同州朝邑人也崇奉佛

法蓋自天性非勉強求名者之所能比也涇州龍翔寺
賜紫明教□□□顏兒魁偉博極經論聲聞播陽益
益人耳即公之師也公凡有興修誠心一出不遠千里
車載人負錢盈百萬故時人以百萬稱之皇統壬戌平
涼重修佛塔是歲旱魃為虐野有饑孺公懇意諭眾雖
救死不贍而人樂輸財數月之間厥功告成汧州開元
寺自天會庚戌師旅之後盡為_臣墟僧徒以廓廡諸院
因其故基度材締掃髮髻如故唯是無垢淨先佛塔所
費鉅萬非□□可辦戊辰千僧院僧正子文謂眾曰塔
廢久矣何以復建僉曰非蔡百萬莫能興也眾議公允
請者再三公如其約既至□□遠近皆□百歸依經營

之始聖燈屢見於林表塔影昭顯於目中又因解木而
得佛像容止可觀雖丹青妙筆無以加此由是人皆敬
信遂致金帛泉湧材木山峙施工□者不可勝數分命
梓匠各有條度不踰年而能事畢矣公不告主者振衣
而去人懷其德先是鳳翔鳩工修塔不得其中道以
廢府尹張特進遣僧俗延請公辭不獲已惠然而來聞
者輻湊爭獻用度不待□勞如期而畢公徒步至隴復
觀□跡有講經僧惠俊見公之來喜動於色乃集下生
院主僧懿通而講院主僧善從地藏院主僧□□□
院主僧□□□西院主僧道常羅漢院主僧崇惠千僧
院主僧覺信天王院主僧□□文殊院主僧覺仙弥勒

院主僧文志東講院主僧惠□□王院主僧□□維摩院主僧法禧寺十有三人曰故觀音院鞠為荆棘可捨百萬以酬其施眾皆曰可里人李居仁陳錫釗汝楫贊成其事公不欲重遠群議曲意從之遂高起大屋廣種松竹真得空門之趣公素有其願暫歸故鄉鏤板印施大般若經數千卷於先人墓側廣□僧眾欲報昊天罔極之德也公當擾攘之際其於修建未嘗須臾廢於心同州城內有官田三十餘畝公請於郡守修為官刹堂宇壯麗舉中其度 勅賜名額謂之太平院公與法眷智覺泊法嗣法真同居是院党詢趙泰王儀郡之吏長也皆出家資以助勝緣同州井□□□汲水頗以為

勞公於院庭鑿井有二而味甘如醴良由神物護持故感應如此公受業於回山龍翔寺有法嗣二人曰大知大見良原勝果山僧子球與公皆敏悟大師之宗派也以公為叔有法嗣三人曰有利有益有璋同為住持大綱慮公行事傳之不久因叙觀音院所得建立之由著其功德之大略爾大定丙戌九月日涇州大像寺講經論沙門師姪大綱紀其實閣川李□□命撰 本院化寺僧有利 住持院主僧□□ 承德郎克隴州防禦判官飛騎尉賜緋魚袋李次典 □衛將軍同知隴州防禦使兼權州事驍騎尉王準 修院維那首般若會里行張明王周等立

廣濟寺牒

大定三年十一月牒七年八月立石正書在陝西

醴泉

修白馬寺舍利塔記

高七尺八寸廣四尺二十行行四十四字正書在河南洛陽縣

大金國重修河南府左街東白馬寺釋迦舍利塔記

河南府學正李中孚撰 男鄉貢進士燮書

浮圖氏之教大矣哉本西方聖人之設教也迨乎東漢
明帝時則有若三藏曰摩騰竺法蘭以白馬馱經四十
二童始流傳教法至於中州是時迺卜府皇城之東二
十餘里建精舍度僧徒創曰白馬寺中州之人奉釋氏

者此自始厥後敬供香火相傳魏晉隋唐而下迄千有
餘歲不絕洎五代之後粵有 莊武李王施已淨財於
寺東又建精藍一區亦號曰東白馬寺并造木浮圖九
層高五百餘尺塔之東南隅有舊碑云功既落成 太
祖親王之樂善賜以相輪王之三子又施宅房廊畏角
龜頭等僅百間每遇 先大王夫人遠忌等日逐率齋
僧一千五百人以崇追薦又一百五十餘季至丙午歲
之末遭劫火一炬寺與浮圖俱廢唯留餘址鞠為瓦子
堆茂草場者今五十載矣往來者視之孰不咨嗟嘆息
焉噫天壤之間古今而來事之廢興何代無之莫不係
時與數而使之然爾又奚足怪物極必反無何果 衰

大士自濁河之北底此覩是名利荒榛區墟徬徨不忍
去一夕遽發踴躍特達心迺鳩工食造譬緣行如流四
方雲會不勞餘刃而所費辦集因塔之舊基剪除荒埋
重建磚浮圖一十三層高一百六十尺徘徊界宇洞并
龜頭一十五所護塔墻垣三重甘露井又立古碑五通
左右焚經臺兩所杈子并塔門九座下剏脩屋宇二十
八間門牕大小三十七座其餘不可具紀不踰年而悉
就所願恭以臨濟之宗無畏之增謹持六齋幸遇 明
天子在上太守百里賢士大夫在位抑之天時物數若
合符節焉可見非我 棲巖爨乘時一舉手孰能廢嗣
興致巍巍之功德能如是乎於告成之明日丐李中孚

以記其中事于 莊武王係六代孫粗知其要義不

當辭是可書也皆大定十五年五月初八日子是乎書

文林郎河南府洛陽縣主簿馮 煥 武義將軍行

河南府洛陽縣尉驍騎尉孫 翊 宣威將軍行河

南府洛陽縣令上騎都尉廣陵郡開國子食邑五百

戶高師旦 定遠大將軍河南府判官輕車都尉漆

水郡開國伯食邑乙伯戶耶律重哥 金吾衛上將

軍河南尹上護軍彭城郡開國侯食邑壹仟戶食實

封壹伯戶唐括烏也建 修塔會首忠顯公口忠顯

口心忠翊口岳 立石 本寺主募化緣僧天順

本寺尊宿沙門廣雲

洪濟禪院牒

大定三年七月牒十五年六月立石正書在陝西

富平

大明禪院碑

正書篆額在河南河內縣

明月山大明禪院記

尚書禮部牒蓋尚書禮部之長印

大明禪院蓋印同前

尚書禮部

牒 懷州河內縣北道宮村住庵僧廣壽狀告本庵自

來別無名額已納訖合着錢數乞立院名勘會是實須

合給賜者 牒奉 勅可特賜大明禪院牒至准

勅故牒

大定二年九月十四日令史向昇押 主事押 中憲

大夫行負外郎李押 郎中 鎮國上將軍行侍郎阿

典 正奉大夫禮部尚書兼翰林學士承旨王

懷州明月山大明禪院 空相禪師白覺述 小師妙

先書

靈山初始插草為標植建梵宮久而為矣我為佛子依

先聖之跡也乃說行由山僧自正隆三年九月十一日

離南京東明縣報恩禪院渡水穿雲到潭懷之郡海眾

象雲集禮請山僧住同義之寺於彼修方丈一座立碑

一通後遊此山至此觀看遠望之朗然無滯清淨明

白号為明月之山口四方景口前看銀江二道正對

祖師名越之山少室嵩峯青龍亦帶至西洛龍門又以
名川地平如掌冬夏有長青之竹花林似錦浩浩人烟
菌內往來便是神仙之隊仗又有羅紋之水遍地交流
響響潺潺似歌音之樂要知明月在沁南軍內兩鎮其
間後靠太行碧水青蓮東有靈巖古寺西有丹水喧喧
中有一座龍盤鳳繞虎勢巍巍峻嶺前橫青松後顯峯
巒秀異東嶺猿啼西溪洞府向當陽峯下翠雲峯前道
遙林內湧出甘露之泉徹骨清涼又顯觀音聖水奇異
奇希白玉崑中天然丈室紅輪正曜不落於二邊心懷
喜悅此乃歎言堪為聖地大定二年幸遇 皇王賜
額始乃留心開山葺葺方能建立種栢千株遠在碧溪

崑畔於清風谷內修一所精藍大小屋舍一百餘間一
十四年功將了畢永為聖跡將作選佛之場口前文之
景乃是眼前之浮口別有宗乘願悟無生法忍從上諸
佛惟傳頓教直指人心了然見性離相超凡同悟涅槃
成無上道證等菩提釋迦廣宣普布令人見性悟理成
佛歸於不二法門我聞燃燈授記實無一法與人各有
明珠本來具足靈山親付迦葉方聞始悟一乘到波羅
之岸維摩無語深至涅槃文殊讚歎各悟心珠曹溪菓
子特賜呈人自從六代傳衣至今花生蒲地紅炉片雪
無相明珠悟取這般道息若是識得金燈步步登長安
之道見不生不滅之真若不錯用身心隨處證解脫三

昧處處達菩薩道場向無相光不妨輕快幾人會意好
食雲門餠餅渴飲趙州之茶解悶消愁向無憂國裏明
月輝輝掃蕩烟塵到於淨土無根樹子永劫長存瑞草
花開長年不謝騎着陝府鐵牛架着新羅鷄子向孤峯
頂上橫管鐵笛一任歌謠道泰所
言得處山僧續嗣少林和公禪師印證頌契一乘了悟真空實無有法師乃
知之以手摩挲撫拍分付信衣師又付言汝名空相授
得空王寶印今於此處却舉光揚向明月峯前分花布
彩鐵笛橫吹虎笑龍吟歌唱無為妙曲說清淨鮮脫之
門一顆明珠不落徧圓之鏡紅爐瑞雪鎮海明珠不謝
底蓮華拈出誰人趣向山童撫掌和者全稀願聽雷音

光揚四海一片瑞光與虛空不二阿僧祇外劫壞非災
達磨單傳憑君看取金光晃耀瑞氣輝輝滿目光生如
似清霄之月這片光明是誰人之境界風光瑞彩幾箇
知音轉大法輪超於聖位人人有分悟取菩提性等虛
空明彰大事月印寒潭波光自現如大日輪無一點相
貌耀古通今普明法界人之不識可惜一片金光翠耀
底紅輪便是長生之月願都會意識取金剛寶山片玉
無瑕深悟菩提之性明顯此理達本還源清淨法身不
拘文字人能若識見性成佛是最上一乘稀有之法不
拘內外亦非中間朗耀光輝如似團圓之月逍遙自在
獨處無為體若虛空一輪孤照參羅萬像悉現其中如

似太虛不露烟色真空佛性蕩蕩然實普越超登願一切解悟神通妙用顯出無相真如清淨明珠在千輪之外凡聖之餘朗耀輝輝那尋蹤跡矜鋒掛角氣息不聞無相無為此是毗耶妙理空王寶印深悟涅槃入海泥牛那留影相如是悟者是名清淨靈光獨耀孤月輝輝悉得成佛名為得道十方海衆共唱太平之歌三世同宣從上諸佛西天二十八祖六代普傳遍於天下人之不識今復重言明顯此理令人悟入見性成佛悉願有情同登彼岸

後頌

朗耀輝輝不帶塵一輪孤照大虛真紅輪翠耀金光現月照長空處處明這朵瑞蓮人不識今將玉藥賜君呈

達磨來開花五葉至今天下紫枝生一片閑雲露骨寒或居天上應人間從來不落情塵位獨顯明珠照大千朗耀一輪清霄月如似虛空體一般不拘內外憑君看悉願人人伴月蘭

大金 大定丙申歲九月 日

開山初葉住持傳法沙門空相禪師立石記 本州栢

山村石匠馮立 懷州清化鎮刊石人張鏞

丙申大定十六年

陸增祥志

崑崙山白骨圖詩并記

大定癸卯二十三年譚處端撰程發正書石刻二

面在河南洛陽

張仲偉墓表

大定二十六年三月

案關中金石記載有棲閑居士張仲偉墓表一碑係明昌改元立石在郿縣北大厓寺東南當

即此碑陸增祥志

龍泉寺政言塔銘

石幢高三尺二寸六分每方廣七寸七分行二十七至二十九字不等字刻五方共三十二行正書在直隸薊州

中都潭柘山龍泉禪寺言禪師塔銘

皇子曹王次子

皇孫祖敬撰

雲峯比丘

書丹

如來以心法付大迦葉不由語言直指見性自迦葉二

十八傳至達磨大師以心印東遊震旦為第一祖六代

至大鑿禪師支分一源百派競注李唐以來師資之間

目擊悟道俯為凡夫仰為菩薩者不可勝數是以名山

昧地大都通邑外薄海隅禪刹徧滿而中都潭柘山

龍泉寺實叢林之甲乙故為之宗主者皆天下選而

言公禪師又其翹楚者焉師諱政言許州長杜人姓

王氏九歲出家詣里中資福禪院師事主僧淨良祝髮

受具戒侍師不去左右十餘年一日告師欲遊學講席

許之時浩公僧以上第錄居南京講唯識論師徑謁之

摠衣請益決擇性相造理深至浩公知師偉器居無幾

何命師主席義學雲集疑難鋒起師應答如流人人心

服聞所未聞於是師甫年二十一諸方聆風景仰競請
 橫經決人之疑過於卜筮初講唯識因明論又取上生
 經交相發明兼傳大乘戒凡十有二年一旦思惟入海
 箕沙自困何益乃留心祖道置文字捐衣盃飛錫遊方
 飄然雲徃始居嵩山龍潭禪寂歲久後結茅於汝州之
 紫雲峰是時香山 慈照禪師叢林大振聞師清操
 招延相見旋請師為首座嘗與 諸師曰諸緣不
 壞了性無憾雲散長 天白月 慈照可之遂
 為龍象之冠乃命師遊方至 中都祭竹林 廣
 慧通理禪師又參聖 圓通禪師皆為

之東遊青杜連師捧疏請師出世住仰天山未幾又請
 住益 義安禪院頃之告退還鄉後復徇眾意住鄭
 州普照洎河南府法雲禪寺既而潭柘專介馳

梁國大長公主

□□□□□□□□

□□□□大宗正府事曹王疏請師住龍泉禪寺闕三歲
 舉揚游刃製頌古拈古各百篇注禪說金剛 歌
 又著金臺錄真心真說修行十法門 皆行於世
 所至崇 籃要令完具其後嗣 住一點
 去不曾去箇裏分 以上第 住一點

明昌五年十月薛嗣昌撰草書在醴泉

謁唐昭陵詩

明昌五年十月劉仲游撰草書在醴泉

太白山鍾款

明昌五年僧法洪等鑄在陝西郿縣

脩魏徵廟碑

喪本高廣行數未詳正書篆額題改脩唐相鄭國文貞魏公廟記十二字在陝西澄城縣

澄城縣改脩唐相鄭國文貞魏公廟記

有不世之君必能用不世之臣用不世之臣必能建不世之功若鄭國文貞公者其可謂不世之臣歟公以不世之臣而遇太宗不世之君真千載之嘉會也夫值千

載一遇之世將行千載一隆之道豈但期會簿書聽訟

獄而已哉公亦自以為不世之遇而能展盡底蘊無所

隱太宗和顏從之如不及是以貞觀間斗米三錢外戶

不闔兵寢刑措庶幾唐虞之隆

元成本魏之曲城人

如丹

而後見也其祠舊在縣之西門外始也

東壁逮宋宣和間縣令張綱別立祠塑為貌像

歲月滋久堂宇頽圯神像剝缺加之其地荒僻殆不副

忠臣賢輔所居吁可怪歎今主上踐阼之明年

勅修天下忠臣義士廟宇有司以公祠聞於朝然

久不報時縣令艾侯憫其荒口乃口卜地口口垣於南
郊外三十餘步輸已俸以遷焉於是公之孫與闔境士
民贊助而成之不勞民不費財經始於十月斷手於十
二月其堂三間五架中塑公像又其孫口秉笏侍立於
左東西廊廡十間各二架廟門十所使歲時祠謁者如
事其生公之在唐先有賜莊在縣北曰修善村其子孫
家焉因命鎮曰良相驛曰賢相皆以公故也公之家世
蒙給復下逮五季宋初亦然及韓魏王琦西帥也口官
其十五世孫道嚴至大觀政和間賜銀六百兩絹五十
端以彰賢臣之後 本朝定國軍節度使傅口申諸
朝亦贈其十七世孫可祥守其先塋蓋令德之後也因

并紀其實以告將來不惟使後人之繼業者不墜其家

聲抑將使為人臣者以道事君措天下如貞觀之治顧

不偉歟侯字良卿屢宰劇邑所在 聲澄人畏而愛

之其德政此不悉載異時秩滿代 縣人指此祠為甘

棠之菱舍云永安三祀冬十二月晦日將 仕郎同州教

授孫鎮謹記 進士王嘉猷篆額 修造 缺嘉言同修

造孫魏紹祖紹先彥直彥真彥口進昇 石匠党温刊

商酒同監高安國 缺李公弼 昭信 缺飛騎尉石

抹守道 將仕郎同州澄城縣 主簿牛顯祖書丹 徵

仕郎同州澄城 縣丞劉伯仁 定遠大將軍行同州澄
城縣 伯食邑七百戶艾元老

立石

重陽子無夢令詞

高廣未考草書後款
正書在陝西澄城縣

無夢令

大道長生門戶式惺惺覺悟
鈇汞緊收藏方始澄神絕
慮心慕心慕便趨蓬萊仙路
重陽子書

永安五年歲次庚申重陽日終南山祖庭靈虛觀主呂
道安畢知常立石

道士王喆自號重陽子終南山重陽祖師仙蹟
碑云師咸陽人姓王名喆字知明重陽其號又
有王重陽玉花疏一碑在盤屋王重陽太清宮

詩刻在鹿邑陸增祥志

老君菴宋雄飛詩刻

泰和元年二月行書在陝西郿縣觀村

京兆府學教授題名記

泰和六年三月孫通祥撰王世英正書在西安府
學刻宋元祐移石經記碑陰

圭峰草堂詩

行書在陝西鄠縣

遊圭峰草堂 雪岳老人

竹外谿山總是泉馬蹄無處避蒼煙圭峯面目真如在
何必林間去學禪

再過草堂陰薶殊不見山因題詩於壁 洹山史奔

一春風土暗商顏隨牒東口我自頑今日圭峯塵障口

山靈應恠未歸山 大安改元春六十日

因陪 子晉先生泊 諸友過草堂而宿于山堂偶成

二絕 東原田曦

縈紆一徑繞山根野草閑花種 新要識我來林下意

不教虛負草堂春 飛花狼藉送春忙乘興來遊古道

場擬把塵心頓祛釋會須今夜宿山堂

大安元年二月初十日草堂寺主僧了珎上石 孤雲

野釋普定書 樊世忠刊

耀州寶鑑記

大安元年八月高坦撰男惟忠書在陝西耀州五

臺山

法門寺真身寶塔詩

大安二年七月僧師偉撰朱景祐正書在陝西扶

風

趙秉文法語刻

石高五尺廣三尺六行行八字
正書在山西平定州天國寺

圭峰法語 趙秉文書

作有義事是醒悟心作無義事是散亂心散亂隨情轉
臨行被業牽醒悟不由情臨終能轉業

大安二年十月上休日王師雄張雲卿同立石

古靈癡語

靈光獨耀迴脫根塵體露真常不拘文字心性無染本
是圓成但離妄緣即如佛

為政公長老書於榆方丈張宜刊

按趙秉文泰和中為平定刺史

老君庵孔朝散詩

行書在陝西郿縣

飲中用昌裔韻天監右峯附右後攀前如弟如兄

翠接肩償我多年憶山願此行信是不徒然右詩積

石太守孔朝散題庵主李守一命工刻石貞祐二年

七夕日

甯曲社修水記

正書篆額題甯曲重修水記六字在陝西郿縣

甯曲社重修食水記

惠本於心者其益大作有乎利者其行久蓋君子之心
目民之害者相與除其害苟可以利人者必務與其利
故其本心之惠利物之作非止加於一時使百世之下
永賴其功而稱頌之雖欲湮淪無彰而其可得乎鄙之
東南有村曰甯曲右高阜左平野清渭經其北太白當
其南厥田沃壤物產蕃茂則富庶甲於境內者也然土
厚而泉清人贏於井汲賴有流水繚於藩籬門庭之間
為斯民之大便僉云此齊相甯戚所導之水也相之故

宅遺址猶有存者焉名之甯曲者自此始矣又村之東北有二塚曰相之塚也歲時祭祀故俗相傳禮無少哀蓋思其德而敬其塚猶人慕羊公之德而淚峴山之碑也或曰初相嘗往於南山下中道遇汲者問之知其艱於獲水乃惻然作意眇隰瞰原順夫地勢渠而浚之決赤谷之水北過於亮伏暨李義村又北過於吳家村以至於甯曲又析水之數分入畱香千童延其水之所行及所流之多寡二者有常無相爭奪使上下居民均得食用不假於遠負而深汲逸其所勞而易其所難噫賢者之舉其利溥哉降及後世古道寢淫淳風殄滅衆暴寡強陵弱瀕於上流者盜決其水專於已而遺於衆使

夫居末流者當暑首不得涓滴以相濡構怨連禍訟於有司者積年不絕然則始之所以養人者今適足以害人是豈前賢導水之意哉夫智者創物則能者述焉明者作法則愚者守焉後之人當修廢革弊納民於軌度以利其心志以息其憑陵均水利於室家不亦懿乎儒生劉支秀者乃甯曲土人也世号富家目擊其事慨然有澄清兼善之志遂哀衆具牒詣有司以請曰夫民之用水固有定制自下而上疆不得陵弱富不得兼貧尊其次序周而復始重其罰以防於姦邪明其禁以示於弗渝然後水之利可均民之訟可息不惟發揚賢相便民之餘休却亦副 國家張官听以爲民之意也時

治郿者皆賢深然其辭判而授之一日劉與鄉友於哀
命以為記哀曰夫述一事紀一功當在於俊才傑士其
淺識寡學者將何益哉牢讓數日竟不見察褒寓居於
教坊常往來於甯曲素辱諸公之厚聘辭不獲已於是
退而援毫以書其故老之吁云尔二白高棅記 隴東
進士康節篆額 雨金進士張待舉書丹 邵陽馮善
刊 武節將軍行恒州郿縣尉張住哥 武義將軍行
恒州郿縣簿謝恩 宣武將軍行恒州郿縣丞騎都尉
周元 輔國上將軍行鳳翔路恒州郿縣令□□ 院
軍民都彈壓金源郡護國軍開國侯食邑一千戶食實
封一百戶完顏九住 興定五年冬下元日張通蕭德

趙勝徐忠段濟張新蕭吉蕭林姚珪張維李儀江張宏
李彬本院主僧法斌道士岳欽禮閻真同立石
碑陰圖

甯相與食水之圖 爰自上祖鄉老傳亞子孫以貽
後代繼志不絕食用至今 蕭松 蕭機 劉忠 張

再成 張挽 蕭彥 蕭憲 張進 張達 韋方

韓全 劉儀 劉演 劉進 万俟輝

雪凝九夏凍霜寒俯壓塵□地□寬甯相决渠千古潤
物華豐美自長安 凡願食用水者碑有名不願者無

名 本社同立石人姓名于後 蕭全 張海 張端

張玉 万俟口 吕義 姬平 于存 韋進 張

房 劉玘 張佺 孫干 郭政 趙口 苜德 趙

唯 成直 劉安 蕭口 張温 張祐 蕭安 魏

堅 張口 張昇 張茂 劉玉 木張平 趙口

齊臻 成全 蕭再立 魏全 汪口 趙斌 劉仲

張直 劉潤 張口 索堅 邢辛 劉口 顯 李

平 王口 宋海 劉通 王通 董德 貢口 董

立 李端 楊政 劉直 口口 董平 李闖 張

平 張用 劉口 口口 郭真

甯曲水即金渠之上流自赤谷來者自甯曲以上為
居民食水以下則灌田為金渠蓋因其地多砂不能
鑿井故引山水以資用迄今猶然碑稱為齊相甯戚

所開無所依据不足信也 關中金 石志

重刻枋口白樂天詩

高三尺八寸廣二尺二寸上題白樂天詩四字字徑
四寸二行正書詩九行行十七字前後署款凡四行
並行書在河
南濟源縣

白樂天詩

河南尹白居易

濟源山水好老尹知之久常日聽人言今秋入吾手孔
山刀劒立沁水龍蛇走危磴上懸泉澄灣轉枋口虛明
見深底淨綠無纖垢仙棹浪悠揚塵纓風抖擻巖寒松
柏短石古莓苔厚錦坐疊高低翠屏張左右雖無安石
妓不乏文舉酒談笑逐身來管絃隨事有時逢杖錫客

或值垂綸叟相與澹忘歸自辰將及酉公門欲返駕溪
路猶迴首早晚重來游心期罷官後

大和五年九月二十六日

大金元光元年九月一日遙授昌武軍節度判官賈
獻臣重錄 前王屋縣主簿邢可大立石 巨塚刊

按樂天枋口詩作於唐文宗大和五年當時正書
石刻附刻馮宿詩金石錄目唐白居易游濟源詩
是也後三百九十二年重錄立石馮宿詩無考矣
金主珣以河南為中京濟源枋口在其境內改元
元光之歲即宋靈宗嘉定十五年也白香山集列
此首於後集格詩題云遊坊口懸泉偶題石上并

詩中澄灣轉枋口皆作坊口錦坐疊高低句疊字
作纓並誤

印公開堂疏

行書在陝西
鄠縣草堂寺

陝西東路京兆府謹請印公堂頭作本寺山主住持為
國開堂祝延 聖壽者 伏以法有無邊之義均度
有情佛開不二之門動歸真諦故能仁以有為闡教達
磨以直指明心末法以來開土稀有麗行阿師笑禪為
室窳猾頭叅客謗教為思惟干戈交持戶牖自闢餅口
釵釧舉稱異金酥酪醍醐各誇一味聖雖時遠道待人
弘敬惟印公堂頭幼歷講筵長叅性理其饒益足以資

後學其談辨足以應無窮鄉里之所歸依天龍之所回
向而况逍遙古刹宇宙福田本羅什譯經之場寔定慧
談空之境口道眾欲或墜家風眷圭峯一帶林泉竟往
為主而曾溪千載衣鉢忍使絕傳願振一音俯矜再請
謹疏 元光二年二月中有京兆府日疏 朝列大夫京
兆府判傅差出 少中大夫通授鄆州刺史兼京兆府
治中裴滿差出 同知缺 内族昭武大將軍宣權統
軍使兼知府事完顏

碑末所書内族昭武大將軍宣權統軍使兼知府事

完顏者完顏阿打也關中金志

辨正大師奧公僧錄銘

元光二年十二月僧方亨撰義金篆額徐又正書

在鄆縣草堂寺

唐太宗贊三藏羅什詩

正書在陝西鄆縣

草堂詩 唐太宗皇帝贊姚秦三藏羅什法師

秦朝朗現聖人星遠表吾師德至靈十萬流沙來振錫

三千弟子共翻經文舍金玉知無朽舌似蘭蓀尚有馨

堪嘆道遙菌裏事空餘明月草青青 維那僧定瑞

副寺僧祖瞻 祖盼 監寺僧祖口 祖曦 正大乙

西歲仲冬望日主持傳法沙門義金重錄立石 長安

樊世亨刊

草堂寺趙閑閑詩

行書在院
西鄆縣

遊草堂

幾家籬落掩柴關盡在淨嵐擁翠間
稻壠明邊通白水竹稍缺處補青山
下馬來尋題壁字拂塵先讀草堂碑
平生最愛圭峯老惟有裴公無愧辭
逍遙園後娑羅木曾見春秋幾變更
落葉蕭蕭風雨後却疑當日譯經聲
南山深鎖翠微空寺在南山十里東
祇恠衣袖濕不知身在翠微中
南山常讀退之詩未說煙雲潤色之要看山光如潑黛更須留待雨晴時
閑閑趙禮部先生辭翰爭輝曜騰天下孰不仰之以謂極

盡美矣然此特窺一斑則未覩其全也 先生以道學

發其本源涵泳既久妙入聖人之心法及乎得志思與天下共之遂取前賢箋注有力於聖教者以清俸刊行之俾雕章繪句之流知所歸宿庶乎士風魯變薄俗復厚此 先生之望也正大乙酉季冬奉使夏臺迴遊草堂題詩七章咸陽懷古二章寺主義金侏諸貞石用傳不朽姑此惡語以紀其實使觀詩者因一得三又知先生深造於道兼善於人也丙戌仲夏中伏鑑山方亭謹跋 正太三年立秋日住持沙門義金上石

閑閑詩行書清矯惟詩云南山常讀退之詩不及烟雲潤色之余謂橫雲詩平疑點點露點岫案韓詩云

點點露遠岫青藜記韓公固常道及閑閑或偶未審

耳金石錄

閑閑居士趙秉文自號也秉文字周臣盩陽人登大定二十五年進士官至禮部尚書金史有傳劉祁歸潛志云秉文詩與書皆法子端後更學太白東坡

清鈔
館金
石記

金石續編卷二十終

金石續編卷第二十一

外國

武進陸燿燾纂

太倉陸增祥校訂

高麗

劉仁願紀功碑

正書在朝鮮國忠清道扶餘縣

龍御天必藉風雲之力聖人膺運亦待將帥之功方石於東馳聲於強其能繼詠者惟
有劉將軍乎君名仁願字士元雕陰大斌人也十土開家建旛於東國尔茅錫壤王孫杖節於北疆三楚盛其衣襟六郡稱其軒冕尔枝布葉可略而言高祖常侍遠將軍徐州大中正彭城穆公屬魏室

尔朱陵虐東京□喪□□西遷陪奉鑾輿從居闕內尋
除鎮北大將軍持節都督河北諸軍事綏州刺史因官
食□仍□居□□鼓□□□□北州之望曾祖平鎮
北大將軍朔方郡守綏州刺史上開府儀同三司襲爵
彭城郡開國公祖懿周驃騎大將軍儀同三司使持節
綏州諸軍事綏州總管□州刺史彭城郡開國公父大
俱 皇朝使持節同綏二州總管兼四州諸軍事綏
州刺史尋遷都督左武衛將軍右驍衛大將軍勝夏二
州道行軍總管冠軍大將軍領軍大將軍上柱國別封
□城郡開國公並桂馥蘭芬金貞玉朗名高大樹譽著
詞林珪璋閎閎見於斯矣公□□河□資靈嶽瀆牆宇

製峻孝敬日躋命偶昌期逢時遇主欽明啟運光宇普

天 文皇乃聖乃神乃文乃武并吞六合席卷八荒

博訪羣材用康大夏英髦特達幽顯必臻君以地蔭膏

腴門承勲業令聞之譽僉議攸歸起家為宏文館學士

□□□衛□□□□□□□□□□□□□□□□□□□□□□

從出遊手格猛獸□□□□□□□□□□□□□□□□□□

之特加賞賜即降殊恩詔入仗內供奉貞觀十九年

太宗親馭六軍省方遠碣千乘雷動萬馬雲屯□□□□

□集下高麗賊臣蓋蕪文獨生攜貳鳩聚亡命招納姦

回囚其君長舉兵稱亂□□□□□□□□□□□□□□□□

斯怒譴行天伐兵鋒初到若火□□□□□□東蓋牟□□

□一城□□匡□新城安地等三郡虜其大將延壽惠
 真俘其甲卒一十六萬君身預戎旃日奉羈勒前茅後
 殿每陣先登摧強陷堅同於拉朽戰勝功定□□揮
 □□□□賜物乘一匹銀□□□□弓一張大箭
 三百隻並是供奉御仗特加褒異遼東□還累□□勅
 功加□□□□□□超拜上柱國□□□□領□
 別□黎陽縣開國公擢授右武衛鳳鳴府左果毅都尉
 壓領□□□□門長上廿一年任行軍子總管隨英國
 公李勣經略延陀並迎接車鼻安撫九姓鐵勒行還改
 授右□郎將依舊廿二年又任子總管向遼東經略□
 事除名其年更授右武衛□□□□通府果毅廿三

年 太宗宮車晏駕宗廟社稷不可一日無□

儲皇諒闇纂戎繼極缺周邦雖舊厥政惟新凡百庶官

勉修其職君以勇略見知材明被用未踰朞月又蒙

今上驅使永徽二年更入鐵勒撫慰行缺勅簡折衝

果毅宏明堪統領者隨機處分君受□經略頻度遼東

葱山道行軍子經略隨盧國公程知節討□賀魯還從

幸洛陽顯慶元年遷左驍衛郎將二年應詔舉文武高

第升進三階復命鐵勒安撫四年入吐谷渾及吐祿宣

勞五年授嶠夷道行軍子總隨邢國公蘓定方平破百

濟執其王扶餘義慈並太子隆及佐□□率以下七百

餘人自外首領古魯郡大秦武進扶餘□生受延爾普

羅等並見機而作立功歸順或入趨
□□□合境遺黎安堵如舊設官分職各有司存即以
君為都護兼知留鎮新羅王春秋亦遣少子□泰同城
固守雖夷夏有殊長幼懸隔君綏和接待恩若弟兄功
業克就蓋由於□然□周武平殷商奄紀叛漢定西域
疏勒被圍餘風未殄人懷草寇蠻貊之俗易動難安况
北方連寇元來未附既見雕戈東邁錦纜西浮妖孽侏
張仍圖返逆即有偽僧道琛偽將率鬼室福信出自閭
菴為其魁首招集狂狡堡據任存蜂屯狼起弥山滿谷
假名盜□並号將軍築城破邑漸入□部湮井刊木壞
宅焚廬所過殘滅略無遺進凶威既逼人皆脅從布棚

連營攻圍留鎮雲梯俯瞰□□旁通擊石飛□星奔雨
落晝夜連戰朝夕□□□□□□□□□□然高枕
不與爭鋒堅甲利兵□□□□□□□□其弊賊等曠日
持久力竭氣衰乃陰行間謀際其□卒墮捐_下缺

年月缺攷唐書東夷傳當在龍朔麟德之間

吳縣潘氏攷為龍朔元年_{陸增祥志}

新羅國王金法敏碑

正書在朝鮮慶尚道慶州府善德王陵下

新羅文武王陵之碑

上後兵殊配天統物畫野經圻積德□□匡時濟難應
神缺靈命_缺派鯨津氏映三山之闕東拒開梧之境南

鄰□桂之□□接黃龍駕朱蒙缺承白武仰缺間盡善

其能名實兩濟德位兼隆地跨八寅勲超三□巍巍蕩

蕩不可得而稱者我新羅缺君靈源自質繼昌基於火

官之后峻構方隆由是克□□枝載生英異稔侯祭天

之胤傳七葉以缺焉十五代祖星漢王降質圓穹

誕靈仙岳肇臨□□似對玉欄始蔭祥林如觀石紐坐

金輿而缺大王思術深長風姿英拔量同江海威若雷

霆□地□□□方卷跡停烽罷候萬里澄氣克勤開缺

簡□之德內平外成光大之風迓安遠肅□功盛□□

□於將來疊粹凝貞垂裕於後裔缺搯□舍謙乃聖括

之奇恩以撫人寬以御物□□□□知其際承德者咸

識其鄰聲溢間河缺峯而疎幹契半千而誕命居得一

以□□照惟幾於丹府義符性興洞精鑒缺恬□輔質

情源湛々吞納□□襟□□□□□握話言成範容

止可觀學綜古缺之訓姬室拜橋梓之缺大唐太宗文

武聖皇帝應鴻社缺宮車晏駕遏密在辰以缺舜海而

霑有截懸堯景以燭無垠缺著□□□而光九列掌天

府以缺感通天使息其青蘋安然利涉缺近違鄰好頻

行首鼠之謀外信缺熊津道行軍大總管以君王缺列

陣黃山蝟聚鴟張欲申距缺至賊都元惡泥首轅門佐

吏缺三年而已至龍朔元年缺所寶惟賢為善最樂悠

仁缺朝野懽娛縱以無為無缺貺更興泰伯之基德缺

之風北接挹婁蜂缺 詔君王使持節缺 軍落於天上旌

缺 之謀出如反手巧缺 丸山有紀功之將以缺 直九合

一匡東征西缺 宮前寢時年五十六缺 牧哥其上狐兔

穴其傍缺 燒葬即以其月十日火缺 妣天皇大帝缺 王

禮也君王局量缺 國之方勤恤於八政缺 歸乃百代之

賢王寔干缺 清徽如士不假三言識駿缺 而開沼髮髯

濠梁延錦石以缺 之賓聆嘉聲而霧集為是朝多缺 即

入昇忘歸射熊莫返太子雜缺 丹青洽於麟閣竹帛毀

於芸臺缺 餘下拜之碣迺為銘曰

缺 侍星精缺 域千枝延照三山表色盛德遙傳缺 道德

像棲梧缺 允武允文多才多藝憂人吞蛭尊缺 九伐親

命三軍缺 威恩赫奕茫々沮滅聿來充役蠢缺 欽風丹

甌屢出黃缺 鎮空缺 雄赤鳥呈灾黃熊表崇俄隨風燭

忽缺 命歿真貴道賤身欽味釋缺 葬以積薪缺 滅粉骨

鯨津嗣主允恭因心孝友罔缺 鴻名與天長兮地久

唐開耀間立

顧氏之謙云韓訥儒書金□□撰文陸增祥志

奉德寺鍾銘

二十四行行三十字 正書陽文在高麗

聖德大王銅鍾之銘

朝散大夫兼太子朝議郎翰林郎金弼奚奉 教撰

夫至道包含於形象之外視之不能見其原大音震動

卷二十一
於天地之間聽之不能聞其響是故憑開假說觀三真
之奧載懸舉神鐘悟一乘之圓音夫其鍾也稽之佛生
則驗在於蜀膩尋之常鄉則始制於鼓延空而能鳴其
響不竭重為難轉其體不塞所以 王者元功克銘
其上羣生離苦亦在其中也伏惟

聖德大王德共山河而並峻名齊日月而高懸舉忠良
而撫俗崇禮樂而觀風野務本農市無濫物時嫺金玉
世尚文才不意子虛有心老誠四十餘年臨邦勤政一
無干戈驚擾百姓□□四方鄰國萬里歸賓惟有欽風
之望未曾飛矢之窺燕秦用人齊晉替霸豈可並輪雙
轡而言矣雙樹之期難測千秋之夜易長宴駕已來於

今三十四年也頃者

孝嗣景德大王在世之日

繼守不業監撫庶機早隔

慈規對星霜而起戀

重違

嚴訓臨闕殿而增悲追遠之情轉悽益魂

之心更切敬捨銅一十二萬斤欲鑄大鍾一口立志未

成奄為就世今

我聖上行合

祖宗意符

至理殊祥異於千古令德冠於當時六御龍雲蔭洒於
玉階九天雷鼓震響於金闕草木之林離々乎外境非
煙之色煥々乎京師此則報茲誕生之日應其臨政之
時也仰惟大君恩若地平化黔黎於仁教心如天鏡獎
人子之孝誠是知朝於元舅之賢夕於忠臣之輔無言
不擇何行有憊乃願遺言遂成宿意尔其有司辨事工

匠盡模歲次大淵月惟大呂是時日月借暉陰陽調氣
 風和天靜神器化成狀如嶽立聲若龍吟上徹於有頂
 之巔潛通於無底之下見之者稱竒聞之者受賜願茲
 妙因奉翊尊靈聽普聞之清響登無說之法筵
 契三明之勝心居一乘之真境乃至瓊蕝之叢共金柯
 以永茂邦家之業將鐵圍而弥昌有情無識慧海同波
 咸出塵區並昇覺路臣弼奚文拙無才敢奉聖
 詔貸班超之筆隨陸佐之言述其明旨銘記於鐘
 也其詞曰

紫極懸象黃輿啓方山河鎮別區宇尔張東海之上衆
 仙所蔽地居桃壑界接扶桑爰有我國合為一鄉元元
 聖德曠代弥新妙々清化遐迩克臻將恩被遠與物均
 霑茂矣千葉安乎萬倫愁雲忽脱慧日無春恭々孝嗣
 繼業於機治俗仍古移風豈違日思嚴訓常慕慈輝更
 以修福天鐘為祈偉哉我后盛德不輕寶瑞頻出靈符
 每生主賢天佐時泰國平追遠惟勤隨所願成乃願遺
 命于斯寫鐘神人獎力珍器形容震威暘谷清韵朔峯
 聞見俱信芳緣允鍾能保魔鬼救之魚龍圓空神體方
 現聖蹤永是鴻福恒々轉重

大曆六年歲次辛酉十二月十四日鑄鐘

按大曆六年是辛亥辛酉是建中二年傳寫之

誤抑碑有誤耶陸增祥志

寶林寺普照塔銘

正書在
高麗

新羅國武州迦智山寶林寺謚普照禪師靈塔碑銘

朝請郎守定邊府司馬賜緋魚袋金穎撰

聞夫禪境元寂正覺希夷難測難知如空如海故龍樹
師子之尊者喻芭蕉於西天宏忍惠能之祖師譚醍醐
於震旦蓋埽因果之跡離色相之鄉登大牛之車入罔
象之域是以智光遠照惠澤遐流灑法雨於昏衢布慈
雲於覺路見空者一息而越彼邪山有為則永劫而滯
於黑業矧乎末法之世像教紛紛罕契真空互持偏見
如擘水求月搓繩繫風徒有勞於六情豈可得其至理

其於衆生為舍邨舍邨為衆生衆生不知在舍邨法界
之中縱橫造業舍邨亦不知衆生在苞含之內湛然常
寂豈非迷耶如此迷者大不迷矣知其迷者惟我禪師
乎或謂此說為濩落之言吁道經云上士聞道崇而奉
之中士聞道若存若亡下士聞道撫掌而笑不笑不足
以為道也此之謂矣禪師諱體澄宗姓金熊津人也家
承令望門襲仁風是以慶自天鍾德從嶽降孝義旌表
於鄉里禮樂冠蓋於軒裳者也禪師託體之年尊夫人
夢日輪駕空乘光貫腹因之驚悟遂覺有懷及逾朞月
不之誕生尊夫人追尋瑞夢誓禱良因膳徹服脩飲斷
醪醴胎訓淨戒隲事福田由是克解分蓐之憂允叶美

璋之慶禪師貌雄嶽立氣潤河靈輪齒自然金髮特異
閭里聲歎親戚咸驚從襁褓之年宛有出塵之趣登齠
齠之歲永懷捨俗之緣二親知其富貴難留財色莫繫
許其出家遊學策杖尋師投花山勸法師座下聽為
業摳衣請益夙夜精勤觸目無遺歷耳必記常以治
麤鄙藻練僧儀積仁順而煩惱蠲除習虛靜而神通妙
用超然出衆卓尔不羣後以大和丁未歲至加良峽山
普願寺受具戒一入壇場七宵行道俄有異雉忽尔馴
飛有稽古者曰昔向陳倉用顯霸王之道今來寶地將
興法主之徵者焉初道儀大師者受心印於西堂後歸
我國說其禪理時人雅尚經教與習觀存神之法未臻

其無為任運之宗以為虛誕不之崇重有若達摩不過
梁武也由是知時未集隱於山林付法於廉居禪師居
雪山億聖寺傳祖心闢師教我禪師往而事焉淨修一
心求出三界以命非命以軀非軀禪師察志氣非偶素
槩殊常付元珠授法印至開成二年丁巳與同學貞育
虛會等路出滄波西入華夏叅善知識歷三五州知其
法界嗜欲共同性相無異乃曰祖師所說無以為加何
勞遠適止足意興五年春二月隨平盧使歸舊國化故
鄉於是檀越傾心釋教繼踵百川之朝鼇壑羣領之宗
鷲山未足為喻也遂次武州黃壑蘭若時大中十三禩
龍集於析木之津憲安大王即位之後年也大王聆風

仰道勞於夢魂願闢禪扉請入京轂夏六月教遣長沙
縣副守金彥卿賁茶藥迎之所以處雲巖之安兼屬結
戒之月託淨名之病陳六祖之辭冬十月教又遣道俗
使雲巖郡僧正連訓法師奉宸馮瑄等宣諭綸旨請移
居迦智山寺遂飛金錫遷入山門其山則元表大德之
舊居也表德以法力施於有政是以乾元二年特教植
長生標柱至今存焉宣帝十四年仲春副守金彥卿夙
陳弟子之禮嘗為入室之賓減清俸出私財市鐵二千
五百斤鑄盧舍那佛一軀以莊禪師所居梵宇教下望
水里南等宅共出金一百六十分租二千斛助充裝飭
功德寺隸宣教省咸通辛巳歲以十方施資廣其禪宇

慶畢功日禪師蒞焉虹之與蜺貫徹堂內分輝耀室渥
彩燭人此乃堅牢告祥娑迦表瑞也廣明元年三月九
日告諸依止曰吾今生報業盡就六兆成汝等當善護
持無至墮怠至孟夏中旬二日雷電一山自西至戌十
三日子夜上方地震及天曉右脇卧終享齡七十有七
僧臘五十二於是弟子英惠清與等八百餘人義深考
妣情感乾坤追慕攀號聲動溪谷以其月十四日葬於
王山松臺壘塔安厝嗚呼禪師名留於此魂魄何之生
離五濁超十八空樂寂滅而不歸遺法林而永秀豈惟
濟生靈於沙畝實亦禪聖化於三韓禮云別子為祖康
成注云子若始來在此國者後世以為祖是以達摩為

唐第一祖我國則以儀大師為第一祖居禪師為第二祖我師為第三祖矣中和三年春三月十五日門人義車等纂集行狀遠詣王居請建碑銘用光佛道聖上慕真空之理閔嚴師之心教所司定謚曰普照塔号彰聖寺額寶林褒其禪宗禮也翌日又詔微臣修撰碑讚垂裕後人臣兢惶承命直筆為詞但以供奉宸衷敢避文林嗤哂詞曰

禪心不定兮至理歸空如活琉璃兮在有無中神莫通照兮鬼其敢衝守無不足兮施之無窮劫盡恒沙兮妙用靡終其一寒廓舍邨苞育萬物蠢蠢衆生違舍耶律二既用體復誰是佛迷之又迷道乃斯畢其二大哉禪師生

乎海域克鍊菩提精修惠德觀空離空見色非色強稱為印難名所得其三有為世界無數因緣境來神動風起波翻須調意馬勤伏心猿以斯為寶施於後賢其四乘波若舟涉愛河水彼岸既登惟佛是擬牛車已到火宅任燬法相雖存哲人其萎其五叢林無主山門若空錫放衆虎鉢遺羣龍惟餘香火追想音容刊此貞石祀法將雄其六

中和四年歲次甲辰季秋九月戊午朔旬有九日丙子建

按顧氏之謙云金遠書七行以下金彦卿書金穎文碑在朝鮮長興陸增祥志

雙谿寺真鑒銘

高八尺六寸廣四尺二寸三寸
八行行七十字正書在高麗

有唐新羅國故知異山雙谿寺

教謚真鑒禪師

碑銘 并序

前西國都統巡官承務郎侍御中內供奉賜紫金魚

袋崔致遠奉

教撰并書 額

夫道不遠人、無異國是以東人之子為釋為儒口也
西浮大洋重譯從學命寄剝木心懸寶洲虛往實歸先
難後獲亦猶采玉者不憚崐崘之峻探珠者不辭驪壑
之深遂得慧炬則光融五乘嘉肴則味飫六籍競使千
門入善能令一國興仁而學者或謂身毒與闕里之設

教也、分流異體圓鑿方枘互相矛盾守滯一隅嘗試論
之說詩者不以文害辭不以辭害志禮所謂言豈一端
而已夫各有所當故廬峯慧遠著論謂如來之與周孔
發致雖殊所歸一揆體極不兼應者物不能兼受故也
沈約有云孔發其端釋窮其致真可謂識其大者始可
與言至道矣至若佛語心法固之又固名不可名說無
可說雖云得月指或坐忘終類係風影難行捕然陟遐
自迓取譬何傷且尼父謂門弟子曰予欲無言天何言
哉則彼淨名之默對文殊善逝之密傳迦葉不勞鼓舌
能叶印心言天不言捨此奚適而得遠傳妙道廣耀吾
鄉豈異人乎禪師是也禪師法諱慧昭俗姓崔氏其先

漢族冠蓋山東隋師征遼多沒驪貊有降志而為遐眈者爰及 聖唐囊括四郡今為全州金馬人也父

曰昌元在家有出家之行母顧氏嘗晝假寐夢一梵僧謂之曰吾願為阿彌之子因以瑠璃鬘為寄未幾娠禪師焉生而不啼迺風挺銷聲息言之勝牙也既亂從戲必爇葉為香采花為供或西嚮危坐移晷未嘗動容是知善本固百千劫前所栽植非可跂而及者自卯口弁志切反哺跬步不忘而家無斗儲又無尺壤可盜天時者口腹之養惟力是視乃裨販媪隅為贍滑甘之業手非勞於結網心已契於忘筌能豐啜菽之資允叶采蘭之咏暨鍾韞棘負土成墳迺曰鞠育之恩聊將力報希

微之旨蓋以心求吾豈匏瓜壯齡滯跡遂於貞元廿年詣歲貢使求為榜人寓足西泛多能 事視險如夷揮楫慈航超截苦海及達彼岸告國使曰人各有志請從此辭遂行至滄州謁神鑒大師投體方半大師怡然曰戲別匪遙喜再相遇遽令削染頓受印契若火沾燦艾水注卑遽然待中相謂曰東方聖人於此復見禪師形兒黥然衆不名而目為黑頭陀斯則探因處默真為漆道人後身豈比夫邑中之黔能慰衆心而已哉永可與赤鬚青眼以色相顯示矣元和五年受具於嵩山少林寺瑠璃壇則醒善前夢宛若合符既瑩戒珠復歸橫海聞一知十茁絳藍青雖止水澄心而斷雲浪跡粵有鄉

僧道義先訪道於華夏邂逅適願而用得明四遠泰尋
證佛知見義公前歸故國禪師即入終南登萬仞之峯
餌松實而止觀寐者三年後出紫閣當四達之道織
芒屨而廣施幢者又三年於是苦行既已修他方亦
已遊雖曰觀空豈能忘本乃於大和四年來歸大覺上
乘昭我仁域興德大玉飛鳳筆迎勞曰道義禪師歸
已歸止上人繼至為二菩薩昔聞黑衣之傑今見縷褐
之英弥天慈威舉國欣賴憲人行當以東雞林之境成
吉祥之宅也始憩錫於尚州露岳長柏寺鑿門多病來
者如雲方丈雖寬物情自隘遂步至康州知異山有數
仞菴嚶吼前導避危從坦不殊俞騎從者無所怖畏參

太如也則與善無畏三藏結夏靈山猛獸前路果入山
穴見牟尼立像宛同事跡彼竺曇猷之扣睡馬頭令聽
經亦未再媿於僧史也因於花開谷故三法和尚蘭若
遺基纂修堂宇儼若化成洎開成三年

愍哀大

王驟登寶位深託因慈降璽書餽齋費而別求見願禪
師曰在勤修善政何用願為使復于

王聞之愧

悟以禪師色空雙泯定惠俱圓降使賜号為慧昭昭字
避

聖祖廟諱易之也仍貫籍于大皇龍寺徵詣京邑星使
往復者交轡于路而岳立不移其志昔僧稠拒元魏之
三召云在山行道不爽大通棲幽養高異代同趣居數

年請益者稻麻成列殆無錐地遂歷銓竒境得南嶺之
麓爽嶷居最經始禪廬却倚霞岑俯睽雲澗清眼界者
隔江遠岳爽耳根者迸石飛湍至如春谿花夏徑松秋
壑月冬嶠雪四時變態萬象交光百籟和唵千巖競秀
嘗遊西土者至止咸愕視為遠公東林移歸海表蓮花
世界非凡想可擬壺中別有天地則信也架竹引流環
階四注始用玉泉為榜屈指法胤則禪師乃曹溪之玄
孫是用建大祖影堂彩飾粉墉廣資導誘經所謂為悅
衆生故綺錯繪衆像者也大中四年正月九日詰旦告
門人曰萬法皆空吾將行矣一心為本汝等勉之無以
塔藏形無以銘紀跡言竟坐滅報年七十有七積夏四

十一于時天無纖雲風雲欬起虎狼號咽杉栝變衰俄
而紫雲翳空中有彈指聲會葬者無不入耳則梁史
載褚侍中翔嘗請沙門為母疾祈福聞空中彈指聖感
冥應豈誣也哉凡志於道者寄聲相弔未亡情者銜悲
以泣天人痛悼斷可知矣靈函幽隧預使備具弟子法
諒等號奉色身不踰日而窆於東峯之冢遵遺命也禪
師性不散樸言不由機服煖緼麩食甘糠藟芋菽雜糅
蔬佐無二貴達時至曾不異饌門人以塏腹進難則曰
有心至此雖糲何害尊卑耆穉接之如一每有王
人乘駟傳命遙祈法力則曰凡居王土而戴佛日
者孰不傾心護念為君貯福亦何必遠汚

綸言於枯木朽株傳乘之飢不得齧渴不得飲吁可念也或有以胡香為贈者則以瓦載糖灰不為丸而炳之曰吾不識是何臭虔心而已復有以漢茗為供者則以薪爨石釜不為屑而煮之曰吾不識是何味濡腹而已守真忤俗皆此類也雅善梵唄金玉其音側調飛聲爽快哀婉能使諸天歡喜永於遠地流傳學者滿堂誨之不倦至今東國習魚山之妙者竟知掩鼻效玉泉餘響豈非以聲聞度之之化乎禪師泥洹當

文聖大王之朝上惻 僊襟將寵淨謚及聞遺戒

愧而寢之越三紀門人以陵谷為慮扣不朽之緣於慕法弟子內供奉一吉千揚音方崇文臺鄭詢一斷金為

心勒石是請

獻康大王恢弘至化欽仰真宗追謚真鑒禪師大空靈塔仍許篆刻以永終譽懿乎日出暘谷無幽不燭海岸植香久而弥芳或曰禪師垂不銘不塔之戒而降及西河之後不能確奉先志求之與抑與之與適足為白珪之玷嘻非之者亦非也不近名而名彰蓋定力之餘報與其灰滅電絕曷若為可為於可為之時使聲振大千之界而龜未戴石 龍遽昇天 今上繼興墳

篋相應義諧付囑善者從之以隣岳招提有玉泉之號為名所累眾耳致惑將俾弃同即異則宜捨舊從新使眎其寺之所枕倚則以門臨複澗為對乃錫題為雙溪

馬申命下臣曰師以行顯汝口又進宜為銘致遠拜手
曰唯退而思之頃捕名中州嚼腴咀雋於章句間未
能盡醉衢鶴唯愧深隄泥磬况法離文字無地措言苟
或言之北轅適郢第以國主之外護門人之大願非文
字不能助乎羣曰遂敢身從兩役力效五能雖石或
憑焉可慚可懼而道強名也何是何非掘筆藏鋒則臣
豈敢重宣前義謹札銘云

杜口禪郎歸心佛陀根熟菩薩那之靡宅猛探馬窟遠
泛鯨波去傳秘印來化斯羅尋幽選勝卜築巖磴水月
澄懷雲泉寄興山與性窈谷與梵應觸境無礙息機是
證道贊五朝威摧眾妖默垂慈蔭顯拒嘉招海白飄蕩

山河動搖無思不服□□□□□□□□□□必備風
雨如晦始終一致慧柯方秀法棟俄洞壑淒涼煙蘿
憔悴人亡道存終不可讓□士陳願大君流恩燈傳海
裔塔聳雲根天衣佛石永耀□門僧慶榮刻字
碑字妍秀其上折後半微缺一角在晉州牧知羅山

羅麗林
頭考

當在光啓

趙氏義卿海東金石存云崔致遠入唐求學登
乾符二年第光啟中歸國卒謚文昌侯從祀高

麗文廟

陸增
祥志

聖住寺朗慧塔銘

高一丈一尺廣六尺二寸五十
八行行九十六字正書在高麗

有唐新羅國故兩朝國師教謚大朗慧和尚白月葆光
之塔碑銘 并序

淮南入本國送國信詔書等使前東面都統巡官承
務郎侍御史內供奉賜紫金魚袋臣崔致遠奉教撰
帝唐崩亂以正功易元以文德之年暢月之缺之七日
日蘇咸池時海東兩朝國師禪和尚盥浴已跌坐示威
國中人如喪左右目矧門下諸弟子乎嗚呼應東身者
八十九春服西戒者六十五夏去世三日倚繩座儼然
面如生門人詢又等號奉遺躰假肆禪室中上聞之震
悼使駛帛以書賻以穀所以資淨供而贍元福越二年

攻石封層冢聲聞玉京菩薩戒弟子正州都督蘇判鑑
執事侍郎寬柔貝江都護咸雄全州別駕英雄皆王孫
也維城輔君德險道賴師恩何必出家然後入室遂與
門人昭元大德釋通賢四天王寺上座釋慎符議曰師
云亡君為慟奈何吾儕忍灰心木舌缺緣飾在式之義
乎迺白黑相應請贈謚暨銘塔教曰可旋命王孫夏官
正卿禹珪召桂苑行人侍御史崔致遠至蓬萊宮因得
並琪樹上瑤墀葐埃命珠箔外上曰故聖住大師真一
佛出世昔文考康王咸師事福國家為日久余始克續
承願繼餘先志而天不憖遺益用悼厥心余以有大行
者授大名故追謚曰大朗慧塔曰白月葆光乃嘗西窅

絲染錦歸頤文考選國子命學之康王視國士禮待之若宜銘國師以報之謝曰主臣殿下恕粟饒浮糶桂飽餘馨俾報德以文固多天幸第大師於有為澆世演無為秘宗小臣以有限磨才絕無限景行弱轅載重短綆汲深其或石有異言龜無善頌決叵使山輝川媚反羸得林慙澗愧請筆路斯避上曰好讓也蓋吾聞國風善則善已然苟不能是惡用黃金榜為尔勉之遽出書一編大如椽者俾中涓授受乃門弟子所獻狀也役口之西學也彼此俱為之而為師者何人為役者何人豈心學者高口學者勞耶故古之君子慎所學抑心學者立德口學者立言則彼德也或憑言而可稱是言也或倚

德而不朽可稱則心能遠示乎來者不朽則口亦無慙乎昔人為可為於可為之時復焉敢膠讓乎篆刻始繹如椽狀則見大師西遊東返之歲年稟戒悟禪之因緣公卿守宰之歸仰像殿影堂之開初故翰林郎金立之所撰聖住寺碑叙之詳矣為佛為孫之德化為君為師之聲價鎮俗降魔之威力鵬顯鶴歸之動息贈大傅獻康大王親製深妙寺碑錄之備矣頤腐儒之今作也止宜標我師就般涅槃之期與吾君崇宰堵婆之号而已口將手議倭將自適其適這有上足苾芻來趣壘曰語及斯意則曰立之碑立之久矣尚闕數十年遺美大傅王神筆所紀口蓋顯示殊遇云尔吾子口嚼古賢書面

飲今君命耳。餓國師行目醉門生狀宜廣記而備言之。殆貽厥可畏。俾原始要終脫西笑者。或袖之脫西人笑。則幸甚。吾敢求益子無憚。煩狂奴態。率爾應曰。僕編苦者。師買采乎。遂絆猿心。強搖菟翰。憶得西漢書留侯傳。□云良。所與上從容言天下事甚衆。非天下所以存亡。故不著則大師時。順問事蹟。犖犖者。星繁非所以警後。學亦不書。自許窺一斑於班史。然於是乎。管述曰。光盛且實。而有暉八紘之質者。莫均乎曉日氣和。且融而有孚萬物之功者。莫溥乎春風。惟俊風與旭日俱東方自出也。則天鍾斯二餘慶。嶽降于一靈性。俾挺生君子國。特立梵王家者。我大師其人也。法號無染於圓覺。祖師

為十世孫俗姓金氏。以武烈大王為八代祖。大父周川

品真骨國有五品曰口而曰真骨曰得難言貴姓之難

得文賦云或求易而得難從言六頭品奴多為位韓粲高曾出入皆將相戶知之父

四五品不足言範清族降真骨一等曰得難晚節追蹤趙文業母華氏

魂交親猶臂天垂受齏花因有娠幾踰時申夢胡道人

自稱法藏授十護充胎教過基而誕大師阿孩方言僧

無時行坐必掌合跌對至與羣兒戲畫瓊聚沙必摸樣

像塔而不忍一日違膝下九歲始鼓篋目所覽口必誦

人稱曰海東神童跨一星終有隘九流意入道先白母

念已前夢泣曰許諾後謁父悔已晚悟喜曰許諾謹

遂零染雪山五色石寺口精嘗藥力銳補天有法性禪

師嘗扣駿伽門于中夏者大師師事數年禪索無子遺
性歎曰迅足駿、後發崩至吾於子驗之吾懷矣無餘
勇可賈於子矣如子者宜而也大師曰夫夜電易惑空
縷難分魚非緣木可求兔非守株可待故師所教已所
悟牙有可長荷珠火斯來則虬燃可弃凡志於道者何
常師之有尋逖去問驃訶健拏於浮石山釋燈大德曰
敵三十夫藍苗沮卒色頽坳盃之譬日東面而望不見
西墻彼岸不遙何必懷土遽出山並海覩西泛之緣會
國使歸瑞節象魏下任足而西及大洋中風濤欬顛怒
巨艚數人不可復振大師與心友道亮跨隻板恣業風
通星半月餘飄至劔山島耙行之碕上悵然甚久曰魚

腹中幸得脫身龍領下庶幾攬手我心匪石其退轉乎
泊長慶初朝正王子昕艤舟唐恩浦請寓載許焉既達
之罟山麓顧先難後易土揖海若曰戰風珍重鯨波好
魔行至大興城南山至相寺遇說雜花者猶在浮石時
有一瞽顏耆年言是之曰遠欲取諸物孰與認而佛大
師舌底大悟自是置翰墨遊歷佛光寺問道如滿、佩
江西印為香山白尚書樂天空門友者而應對有慙色
曰吾閱人多矣罕有如是新羅子他日中國失禪將問
之東夷耶去謁麻谷寶澈和尚服勤無所擇人所難已
必易衆曰曰禪門庾異行口澈公賢苦節嘗一日告之
曰昔吾師馬和尚訣我曰春鶯繁秋實寡攀道樹者所

悲吒今授若印異日徒中有奇功可封者封之無使利復云東流之說蓋出鈞識則彼日出處善男子根殆熟矣若得東人可目語者吠道之俾惠水不冒於海隅為德非淺師言在耳吾善若徠今印焉俾冠禪侯於東上往欽執則我當年作江西大兒後世為海東大父其無慙先師矣乎居無何口師化去墨巾離首乃曰後既捨矣舟何繫焉自尔浪遊飄然勢不可遏志不可奪於渡汾水登崑山跡之古必尋僧之真必詣凡所止舍遠人烟火要在安其危甘其苦役四體為奴虜奉一心為君主就是中顯以視薦瘞恤孤獨為已任至祁寒酷暑且煩暘或輒瘵侵曾無勸容耳名者不覺遙禮躡作

東方大菩薩其三十餘年行事也其如是會昌五年來歸帝命也國人相慶曰連城壁復還天實為之地有幸也自是請益者所至稱麻矣入王城省母社大歡喜曰願吾疇昔夢乃非優曇之一顯耶願度來世吾不復撓倚門之念也已矣迺北行擬回選終焉之所會王子昕懸車為山中宰相邂逅適願謂曰師與吾俱祖龍樹乙粲則師內外為龍樹令孫真瞳若不可及者而滄海外躡蕭湘故事則親舊緣故不淺有一寺在熊川州坤隅是吾祖臨海公祖諱仁問唐驕伐獫狴功封為臨海郡公受封之所間刳美杯普金田半灰匪慈哲孰能興滅繼絕可強為朽夫住持乎大師荅曰有緣則住大中初始就居且盼飭之俄

而道大行寺大成繇是四遠問津輩視千里猶跬步其
黻不億實繁有徒大師猶鍾待扣而鏡忘罷至者靡不
以慧焰導其目法喜娛其腹誘憧々之躅變蚩々之俗
文聖大王聆其運為莫非禪王化甚恕之飛手教優勞
且多大師荅山相之四言易寺榜為聖住仍編錄大興
輪寺大師醺使者曰寺以聖住為名招提固所為榮至
寵庸僧濫吹高籍寔避風斯媿而隱霧可慙矣時憲安
大王與檀越李舒發韓魏昕為南北相各居其官從左右注遙展
攝齊禮贄以茗醇使無虛月至使名震東國士流不識
大師門為一世著得禮足者復必喏曰面謁倍百乎耳
聞口未出而心已入抑有狹虎而冠者亦熄其燧謹其

處而僥犇馳善道暨憲王嗣立賜書乞言大師奮曰周
豐對魯公之語有旨執著在禮經請銘座側逮贈太師
先大主即位欽重如先朝志而日加厚焉最所施為必
馳問然後舉咸通十二年秋飛鵠頭書以傳名曰山林
何親城邑何疎大師謂生徒曰遽命伯宗深慙遠公然
道之將行也時乎不可失念付囑故吾其往矣欵尔至
轂下及見先大王寃服拜為師君夫人世子既大弟相
國追奉尊謚羣公子公孫環仰如一一如古伽藍續壁
面寫出四方諸國長侍勃陁樣式上曰弟子不佞小好
屬文嘗覽劉勰文心有語云滯有守無徒銳偏解欲詣
真源其般若之絕境則境之絕者或可聞乎大師對曰

境既絕矣理無矣斯印也默行尔上曰寮人固請少進爰命徒中錚錚者更手撞擊畚容盡聲剖滯祛煩若商飈之劃陰靄然於是上大喜憫見大師晚曰恭已南面司南南宗舜何人執余何人也既出卿相延迓與謀不暇士庶趨承欲去不能自是國人皆認衣珠隣叟罷窺廡玉焉俄苦樊箴申即亡去上知不可強迺降芝檢以尚州深妙寺不遠京請禪那別館辭不獲往居之一日必葺儼若化城軋符三年春先大王不豫命近侍曰亟迎我大鑿王來使至大師曰山僧及及王門一之謂甚知我者謂聖住為無住不知我者謂死染為有染乎然願與吾君有香火因緣切利之行有期矣盍就一訣復

步至王屈設藥言施戒覺中愈舉國異之既踰月獻康大王屈翌室泣命王孫勛榮諭旨曰孤幼遭閔凶未能知政致君奉佛誦濟海人與獨善其身不同言也幸大師無遠適所屈唯所擇對曰古之師則六籍在今之輔則三卿在老山僧何為者坐蝗蠹桂玉執就有三言庸可留獻曰能官人翌日挈山裝鳥逝自尔騎置傳訊影煖巖溪遽人知往抵聖住即皆雀躍叢手易轡慮滯王程尺寸地由是騎常侍倫伍得急宣為輕舉軋符帝錫命之歲令國內舌杪有可道者貢興利除害策別用蠻賤書言荷天寵有所自因垂益國之問大師因出何尚之獻替宋文帝心聲為對太傅王覽謂弟南宮相

卷二十一
曰三畏比三歸五常均五戒能踐王道是符佛心大師
之言至矣哉吾與汝宜倦、中和西狩之年秋上謂侍
人曰國有大寶珠畢世贖而藏之其可耶曰不可不若
時一出俾醒萬戶眼醉四隣心曰我有末尼上珍匿曜
在嵩巖山脫闕祕藏宜照透三千界何十二乘豈之道
哉我文考懇迎嘗再顯矣昔讚侯譏漢王拜大將召小
兒不能致商於四老人以此今聞天子蒙塵趣令奔問
官守勤王加厚歸佛居先將邀師必叶外議吾豈敢倚
其一慢其二哉乃重其使卑其辭徵之大師云孤雲出
岫寧有心哉有緣乎大王之風無固乃上士之道遂來
見、如先朝禮、之加焯然可屈指者面供饌一也手

傳香二也三禮者三三也秉鵲尾爐締生、世、緣四
也加法隋曰廣宗五也翌日命振鷺、鳳樹、鴈列、賀六
也教國中磋磨六義者貶送歸之什在家弟子王孫蘇
判鑑榮首唱歛成軸侍讀翰林才子朴邕為引而贈行
七也申命掌次張淨室要叙別八也臨告別求妙設乃
眴後者舉真要有若詢又圓藏虛源元影四禪中得清
淨者緒抽其慧表纖旨注意無怠返心有餘上甚悅擡
拜曰昔文考為捨瑟之賢今寮人忝避席之子繼體得
崆峒之請服膺開混沌之源則彼渭濱老翁真釣名者
圯上孺子蓋履迹焉雖為王者師徒弄三寸舌也昌若
吾師語密傳一片心乎奉以周旋不敢失墜太傅王雅

善華言金玉音不患衆咻聒而能出口成儷語如宿構云大師既退且往應王孫蘇判鑑共言數返即歎曰昔人主有、遠體而無遠神者而吾君備人臣有、公才而無公望者而吾全國其庶乎宜好德自恣及歸謝絕於是遣輜軒標放生場界則鳥獸悅紐銀鈎札聖住寺題則龍蛇活盛事畢矣昌期忽兮定康大王莅阼兩朝寵遇師而行之使緇素重使迎之辭以老且病太尉大王流恩表海仰德高山嗣位九旬馳訊十返俄聞腎腰之苦遽命國醫往為之至則請苦狀大師微破顏曰老病耳無煩治糜殮二時必聞鍾後進其後憂食力虧陰戒掌枹者陽密擊乃自牖而命撤將化往命匆侍警遺

訓于介衆曰已過中壽難逃大期我儂遠逝尔曹好住講若畫一守而勿失古之史尚如是今之禪宜勉旃告設裁罷熱然而化大師性恭謹語不傷和氣禮所云中退然言呐、然者乎鬢侶必日以禪師接賓客未嘗殊敬乎尊卑故滿室慈悲悉徒悅隨五日為期俾來者質疑論生徒則曰心雖是身主身要作心師豈不尔思道豈遠而設是田舍兒能擺脫塵羈我馳則必馳矣道師教父寧有種乎又曰彼所噉不濟我渴彼所噉不救我餒盍怒力自飲且食或謂教禪為無同吾未見其宗語本夥頤非吾所知大較同弗與異弗非晏坐息機斯近縷褐被者歟其言顯而順其旨奧而信故能使尋相為

無相道者勤而行之不見有岐中之岐始壯及衰自貶為基食不異糧衣不均服凡所營葺先眾人每言祖師嘗踏泥吾豈暫安棲至捷水負薪或躬親且曰山為我為塵安我得安身其剋已勵物皆是類大師少讀儒家書餘味在唇吻故齋對多韻語門弟子名可名者厘二千人素居而稱坐道場者曰僧亮曰普慎曰詢又曰心光諸孫誦、厥眾濟實可謂馬祖毓龍子東海掩西河焉論曰麟史不云乎公侯之子孫必復其始則昔正烈大王為乙粲時為屠獫狁乞師計將真德女君命陛覲昭陵皇帝面陳願奉正朔易服章天子嘉許庭賜華裘受位特進一日名諸番王子宴大置酒堆寶貨俾恣

滿所欲王乃杯觴則禮以防亂繒綵則智以獲多泉辭出文皇目送而歎曰國器及其行也以御製并書温湯晉祠二碑暨御撰晉書一部賚之時蓬閣寫是書裁竟二本上一錫儲君一為我賜復命華資官祖道青門外則寵之優禮之厚設龔旨乎智者亦足駭耳目自茲吾土一變至於魯八世之後大師西學而東化加一變至於道則莫之與京捨我誰謂偉矣哉先祖平二敵國俾人變外飭大師降六魔賊俾人修內德故得千乘主兩朝拜起四方巨萬里奔移動必願使之靜無腹非者庸詎非應半千而顯大千者歟復其始之說亦何憊乎哉彼文成侯為師漢祖大誇封萬戶位列侯為韓相子孫

之極則備矣假學仙有終始果能白日上昇去於中止
得為鶴背上一幻軀尔又焉玘我大師拔俗於始濟眾
於中潔已於終矣乎美盛德之形容古尚乎頌偈頌類
也扣寂為銘其詞曰

可道為常道如穿草上露即佛為真佛如攬水中月道
常得佛真海東金上人本枝根聖骨瑞蓮資報身五百
年擇地十三歲離塵雜花引鵬路窵木淨鯨津其觀光
堯日下巨筏悉能捨先達皆歎云苦行無及者沙之復
汰之東流是天假心珠瑩麻谷目鏡燭桃野其既得鳳
來儀眾翼爭追隨試覩龍變化凡情邪測知仁方示方
便聖住強住持松門遍掛錫巖徑難容錐其我非待三

願我非迎十步時行則且行為緣付囑故二王拜下風
一國滋甘露鶴出洞天秋雲歸海山暮其來貴乎葉龍
去高乎冥鴻渡水陔巢父入谷超朗公一從歸島外三
返遊壺中羣迷湯感否至極何異同其是道澹無味然
須強飲食他酌不吾醉他殮不吾飽誠眾黜心何糠名
復糝利勸俗飾身何甲仁復胄義其汲引無弃遺其實
天人師昔在世間時舉國成瑠璃自寂滅其後觸地生
蔕藜泥洹一何早今古所共悲其瑩石復刊石葺形且
顯跡鵠塔點青山龜碑撐翠壁是豈向來心徒勞文字
覘欲使後知今猶如今示昔其君恩千載深師化萬代
欽誰持有柯斧誰倚無弦琴禪境雖沒守客塵寧許復

雞峯待彌勒將在東雞林其□□□□□巨筏□□憲

□已于下缺

從弟朝請大夫前守執事侍郎賜紫金魚袋臣崔仁浣奉教書

碑無年月原書注云文德元年十月蓋據朗慧卒之年月也案碑文云昔文考康王云追謚曰大朗慧則立碑之年非即卒之年月可知碑尾有書人崔仁浣結銜一行原本缺今補案高麗僧行寂塔銘為崔仁浣所撰行寂歿於後梁貞明二年改葬於三年建塔立石當在其時此書碑之崔仁浣蓋即其人國師碑後記云仁浣者辰韓

茂族人也貞明三年丁丑唐亡已十年距文德元年戊申後二十九年矣此碑結銜云朝請大夫前守執事侍郎彼云翰林學士守兵部侍郎知瑞書院事疑是後來遷轉之官然不可考也諸城劉氏定為大順元年未得其詳朗慧姓金仁浣自稱從弟殊不可解再行寂塔銘共二千三百餘字萃編據言氏本載入附平百濟碑後題云朗空大師塔銘實即行寂塔銘也前缺一千六百餘字後缺一百六十餘字蓋言氏所得非足本也并附識於此陸增祥志

無為岬寺遍光塔碑

晉高麗先覺大師遍光禿塔碑

太相檢校尚書左僕射兼御史大夫上柱國知元鳳
省崔彥搗奉教撰 正朝□□評□□郎柱國賜丹金
魚袋柳勲律奉教書

蓋佛陀出世鷲嶺開利物之門迦葉□□雞足闔歸全
之缺四軋去聖身毒懷仁傷鶴樹之昇遐埃龍華之□
□□悵□□□隱其風漸衰豈謂祖、傳心當具體而
微之侶師、接踵有高山仰止之流至於圓覺深仁遠
居南海大宏願德曾□□山□□之心諧於郢匠一蓮
啟處六葉重光門徙□□上之□□□在雲居之□人能
弘道保□祖宗惟我大師則其人也大師法諱迥微俗

姓崔氏其先博陵冠蓋雄府棟梁奉使雞林流恩□郡
所以棲心雲水寓跡海壖今為武州□□人□□□權
早閑莊老□愛琴書私□□招隱之蕭蕭寺□空門之
友母金氏魂交之夕忽得休徵見胡僧入房擎玉案為
寄歛焉驚覺尋報藁砧蒼云必生懷寶之兒先告美璋
之慶□後□□室□每有燈輝之□□子之□□證定
光之瑞以咸通五年四月十日誕生大师生有殊相幼
無雜交泊乎志學之年潛蘊辭家之念此時忽垂雙淚
虔告二親曰切欲去塵投其□□父母□□□志惟許
缺五為山莫恒□□遂乃斜登歧路直詣寶林謁體鑑
禪師禪師法胤相承陳田子孫也和尚雖云一見便□

□之□曰昔別稍遙今來何暮許□□室□□□茲敬

□禪宗缺八傾油鉢□□於救蟻沙彌勤苦增勞不離

左右至於中和二年受具戒於華嚴寺官壇大師缺六

安坐白虹之氣來覆法堂□是缺十道知在□人戒珠

敢虧草係之心尤保尸羅之律及其夏□往度□山禮

見融堅長□□今□□僧陳缺五何□上追思北海之

中所以□□論傳中霄□□長缺九黃□□法盞雲□

披雲藥山采藥老僧恨不隨他西笑問徑上游祖塔於

曹溪缺十莎莫以因循時不待人曷維其已門屬遠從

冈象□□珠缺十鏡于青匠之畔泊于大順二年春首

忽遇入缺十朝使車託足而西達于彼岸維舟鏡水指

路鍾□企□□道膺大師先佛缺十之兆實浚付囑

之心行道遲、遠經缺十大師若披皇覺大師謂曰吾

子歸矣早知汝來□□曰升堂□其□□所喜者□□

室家之美□□禪教之宗由是覩奧幽扃探因理窟參

尋缺二十豈惟迦維演阿難之獨步釋門闕里設經顏

子之□□□室而已矣哉景福三年覃州節師馬公□

節度副使金公覺聞風欽仰拂霧敬缺十請□□居其

為時所瞻依皆如此類也迺於天祐二年缺十此時知

州□□王公池本籍承大師纔諧捨筏已抵平津□地

□之攀缺十慈□每以趨塵如窺慧日常于四事遠假

天厨實展缺五仍以缺四無為岬寺請以住持大師惟

命是聽徙居靈境此寺也林泉缺十地然則重修基地

八換星霜來者如雲納之似海缺五此時缺五於

年亂甚於曹劉之代上無聖主猶鋪猖聚之徒下

事莫缺七如四海沸騰三韓騷擾至

九年八月前王永平北缺十舳艫親驅軍駕此時羅歸

命屯軍于浦嶼之旁武府逆鱗動衆於郊畿之缺十大

王聞大師近從吳越新到秦韓匿牟尼於海隅蔽

於缺五飛丹詔遽屈道竿大師捧到奔波趨風猛浪親

窺虎翼暗縮龍頭僧鑄吳轉明之缺四無以加

也其後班師之際持請同歸信宿之間臻于彼岸遂缺十

字供給之資出于內庫所恨羣雖伏衆病莫除唯奉

法以栖真通缺六今禍者缺四枉殺無辜而乃遭艱

者填其雲屯同歸有罪然則道敢悛之

仁慈寧止赫連之暴况又永言移國唯喝喫人

謂多缺四信以缺六日大王驟飛鳳筆令赴龍庭冀

聞絕跡之譚猶言之理大師脹缺四主上鶚立當

軒難測端倪失於舉措豈思就日玄高之復君無

奸寇缺八大師曰吾師人間慈父世上導師何有存非

不無彼此大師方知禍急因遲危缺七嬰呂僕之謀仁

者懷恩寧厠商之惡然而壹言不納遷以加捨

之時世緣俗年五十有四僧臘三十有五于時川

卷二十一 外國

池忽竭日月無光道俗吞聲人天變色口誨秦原缺七

之口漢室龍興當今居尊之際謂群臣曰竊惟故大

師道口十地德口遠出口方來儀樂土寡人早

披瞻仰恭口歸依顧思有得之緣常切亡師之痛仍於

雨泣實口追口俾修口至明年三月日遂

名門弟子閑俊化白等曰口之缺五昭口此山

也山岡勝美地脈平安宜為置冢之据必口尊宗之祐

可師等與口且口修山寺尋造石塔者至其日月先

起仁祠便成高塔塔成師等號奉身遷葬於所建之冢

詔曰式旌禪德宜賜嘉名賜謚為先覺大師塔名為遍

光靈塔乃賜其寺額勅號太安追遠之榮缺四之口

口下臣謬因宦學叨 樞機辭潤色於仙才謝知言於

哲匠先是王室獻賦金榜題名何期降紫泥於葦門銘

黃絹于蓮宇所冀強搖柔翰申大君崇法之由聊著鮮

文慰門下送終之懇銘曰

粵哉靈境口禪口為口道情是兵即色非色惟

名假名雖云方便祇為衆生爰有僧英口禪伯能使

魔軍克歸口雨中稻麻霜後松柏須拜昌言難欺雅

口動惟佛事翻被人口真衰俗成法弱缺六命終道光

無口遺跡師舊芳口德于茲傳口不朽神足傷心缺

字塔缺八劫頻移天長地久

開運三年歲次丙午五月庚寅朔二十九日戊午立

缺金汝元崔煥見

案碑在高麗之康津

陸增祥志

石南山寺國師碑後記

正書在高麗

唐新羅石南山國師碑後記

門下法孫釋純白述

恭惟我國大師始自出胎終於沒齒生緣眷屬觸事因緣即門生金長老允正所修錄具之門人崔大相仁浣所撰碑述之今日之所記者以大師於唐新羅國景明王之天祐年中化緣畢已明王謚號銘塔仍勅崔仁浣侍郎使撰碑文然以世雜人滑難為盛事是以年新月

古未立碑文至後高麗國几平四郡鼎正三韓以顯德元年七月十五日樹此豐碑於太子山者良有良緣者乎爰有國師之門神足國主寺之僧頭乾聖院和尚者法諱讓景俗姓金氏字曰舉國為師而或體或心為王而乍耳乍目將恐芳塵風掃美跡雲消黃絹將爛翠琰弗植師恩雀報自立龜碑和尚王父藹元聖王之表來孫憲康王之外口鼻清口謠聒于街路忠孝譽酣于尊卑內至執事侍郎外任俱江都護父口禮才兼六藝學貫五經月下風前屬緣情體物之句春花夜月呈撫綏韻竹之聲內至執事含香外赴朔州長史和尚始自華色終于覺身動止言談行蹤風格可備別錄此略言焉

且國師碑之與錄可記而未記者曰龍潭式照乾聖讓
景驚口惠希宥襟允正清龍善觀靄長玄甫石南迥閑
嵩山可言太子本定右九師者國師存日羽翼在列未
覩青雲之際國師歿後角足成體始遊碧海之中師之
在時法席口牛毛之數師之入滅禪座財鐘乳之多人
謂之評曰九乳若鐘養九方之佛子一面如鏡正一國
之君臣古所謂翼衆誥：茲焉在焉其允正長老者乾
聖同胎之弟也戒高持者名書有人存終言行門人別
錄其母氏夢任孟之日月入於寢室娠季之月月入於
密窟果誕乾聖與宥襟也豈翅曇諦阿母夢二物之徵
慧住阿孃獲二果之瑞而已哉其仁浣者辰韓茂族人
也人所謂一代三崔金勝題廻曰崔致遠曰崔仁浣曰
崔承祐曰中華人也學圍海岳加二車于五車才包風
雲除三步於七步實君子國之君子大人鄉之大人是
或折桂中花扇香風於上國得多羅域灌口色於東鄉
承大師重席之恩撰大師鴻碑之記白也執尺占天邨
終近遠傾蚤酌海豈度少多然則言而不當默猶不可
後來君子取之捨之而已

顯德元年歲在甲寅七月十五日立

碑在高麗之榮川陸增祥志

大安寺廣慈禪師碑

正書在
高麗

唐高麗大安寺廣慈禪師碑銘

太相□守禮賓令元鳳令兼知制誥上柱國賜紫金魚袋孫紹奉□撰

若夫擊虛發響苟應就悟之能取實藏聲豈是處迷之術門緘洵而不可得進□雖明而雜以獲逾至理在中守株者無定見□真宗□外窺管者莫以缺四生之法器是以運開一千甲子始遇聖明歷周五萬星霜再逢賢哲或□□□而□出或蘊□以挺生自古既稀至今為貴□全□□即缺七大師法諱允多字法性京師人也其祖考等皆族盛簪綴以傳孝義家記而□□缺四寵四耳口聞之其妣朴氏受性溫和為人真潔自幼□□

於俗□長□勤修佛事迨其岳降分挽等閑由孝感而易為若霜□之□疾是以咸通五年四月五日誕生大師初放蓬萊之日雙柱絕倫將辭襁褓之年三亭轉□□遊而□定有方禮度而顛沛無墜扇枕之令譽早表鄉閭追灰之捷詞夙馳遐迩春秋材當八歲有志三歸遽告二親願別蝸門要投禪教□父母□為□□前猶足縈紆未能允許大師潛然曰出家修道利□□無直饒□子之錦衣定□山僧之毳衲哀鳴□□至告再三琮認盛情固難法□□時一說而□辭步而雲遊四海□駐惟伴孤影炎涼倏歷數年□□迴跋涉于遼東迤邐□後桐裏參覲和尚□願相面目顧盼形容數

日後侍奉上字缺四古語心專石也穿志切泉俄涌道非

身外即佛在心病昔智覺于刹那口口之滯在萬劫如

來况諭為精口則再語為口口略言汝身好看心口

吾字缺四於晝宵綱口心於瞬息不戶不牖是大道不崑

不口口神二字缺十法祖口西堂傳於徹徹傳於先師如如

傳於吾師即西堂曾孫也大師傳法口於西堂却不勞

西字缺四於五字缺二十實際本空學無學口宗口口祇夜師

無師之口必藉口多遂口弄一心者大信一音口九口

者口海水業口多方便為門野不忘其故却歸故山

纔經口宵忽有山賊入寺擬劫衣物直到上方大師選

而無鑿不動禪座被缺大師自口罪數見此模口

口既思惟知作夢有一戰場入於殿內見勿它邪七口

口座是量忍兩字而已睡覺字缺四盟字缺八白日孤疑

口不料清宵蝶夢成古表有言一忍得長哉大師因

此永獲安禪久居僧寺字缺八黃波口如而洞達禪源字缺四

字然缺門慕義投仁雲趨霧聚參禪學道虛屈缺梗狼

煙往口口于沙門裨口口終無於王缺來口對神

聖大王乘時口望主問代明口口安邦撫口之恐口

行脚何妨師字缺四九重大師口口僧由成缺即佛心是

如何大師答曰若到口設者不留於佛心字缺五雖得必

得缺相今缺答云六祖意不欲口觸道然師語口了道

齊兩曜講□而□道叶乾坤德秀瞳治民而□無□□
 而又歸依□□□具於缺抑無禪有用於□□義云缺
 古缺大師在日黃州院□王旭郎君遙仰□風樂傳尺
 牘比為弟子□□猶缺之風每展八行之禮仍為檀越
 久受保於各效陳雷允□舊分大師至開運缺分無缺
 今焚香略今□淹然而逝俗歲八十二僧臘六十六於
 是溜流號慟嘆津梁之已壞□□咨嗟□法□□□永
 □至於缺潺湲澗水變作衰□□年悅目之缺變隼山雲
 皆成慘色感動蠢植毫楮焉周遂以其時缺止論缺伏
 乞從許樹豐碑者爰命微臣延揚禪化□才非七步學
 昧五車缺哉開士子達真筌法門杳々至理元々化符


海外道冠日邊雲歸深洞月落澄淵波瀾□□平等缺
 字雞山缺

光德二年歲次庚戌十月十五日鐫字

按廣慈禪師允多生於唐懿宗咸通五年甲申年
 八十二當晉出帝重貴開運二年乙巳越五年鐫
 碑歲次庚戌為漢隱帝乾祐三年此稱光德二年
 不知何代年號五代時東夷君長高麗最為雄盛
 乾祐末其國王王武死子王昭立紀年光德豈即
 王昭僭號歟

顧氏之謙云當在顯德間附周末陸增祥





金石續編卷第二十一終

